

灌縣志卷十一

傳第一

人士傳上 鄉賢 孝友 義烈 獨行 文學 武功

語曰十室之邑必有忠信况提封百里編戶數萬哉灌自漢晉以來英彥迭出典型具在足式鄉閭今用品目為綱彙次列傳刊華崇樸一以實事為限焉至若虛美之詞猥瑣之蹟無裨體要概不蔓登恭敬梓桑略為甄擇

常翊字孟元江原人華陽國志稱道德侍御史

別見趙彥信著舊傳右後漢一人

常播字文平江原人仕縣主簿功曹縣長廣漢朱游建興十五年被上官誣劾以逋沒官穀當論重罪播詣獄訟爭身受數千杖肌膚刻爛毒痛慘至更歷三獄幽閉二年有餘每將考掠吏先驗問播不答言但急行罰無多所問辭終不撓事遂分明長免刑戮時惟主簿楊玩亦證明其事與播辭同衆咸嘉播忘身為君節義抗烈舉孝廉除郟長年五十餘卒書於舊德傳後縣令

灌縣志

卷十一 人士傳上 一

穎川趙敦圖其像贊頌之

蜀志引益部耆舊雜記右季漢一人

常騫字季慎江原人也祖父竺字代文南廣太守侍中父偉字公然閬中令騫治毛詩三禮以清尚知名州辟部從事主簿郡請功曹察孝廉萍鄉令以選為國王侍郎出為綿竹令國王歸之復入為郎中令從王起義兵有功封關內侯遷魏郡太守加材官將軍以晉政衰觀中原不靜固辭去官拜新都內史時蜀亂民皆流在荆湘徙湘東太守疾病未拜卒年六十八騫性泛愛敦友宗族當官修理想以撫物好咨問動必謙讓州郡以為儀範華陽國志常寬字泰恭騫族弟郵令勗弟子也父廓字敬業以明經著稱早亡闔門廣學治毛詩三禮春秋尚書尤耽意大易博涉史漢強識多聞而謙虛清素與俗殊務郡命功曹及察孝廉不就州辟主簿別駕舉刺史羅尚秀才除繁令隨民安縣零陵以舉將喪去官湘州叛亂乃南入交州交州刺史陶咸表為

長史固辭不之職雖流離交城衣敝緼袍冠皮冠乘牛往來獨鳩合經籍研
精著述依孟陽宗盧師矩著典言五篇撰蜀後志及後賢傳續陳壽耆舊作
梁益篇元帝踐祚嘉其德行潔白拜武平太守民悅其政以榮貴非志在官
三年去職尋梁碩作亂得免難卒於交州凡所著述詩賦論議二十餘篇子
長生字彭祖亦有學行官州主簿資中令治中從事早亡華陽國志
右晉二人
李旼字渭卿自號谷子少師任奉古以著述爲志不樂仕進士大夫多稱之
爲張乖崖所器少日一出廷試後遂隱居永康白沙山中從之學者甚衆任
中正薦之乞賜處士之號詔爲試校書郎凌策又薦之詔授試懷寧主簿國
子監說書改大理丞知泉州惠安縣久之以先所著未成再乞說書以修其
業著孔子弟子傳贊六十卷上之得知榮州秩滿致仕撰道德經疏二十卷
張乖崖語錄二卷谷子三十卷歌詩雜文七十卷卒年九十湘水蘇
談錄其自榮州

灌縣志

卷十一 人士傳上

一一

詔還也力陳鹽害得蠲歲額三十萬勛還雜役三百一十五家四川通志按旼亦字

渭父淳化中登進士第崇祀鄉賢光緒灌縣志

張愈其先河東人徙居邨少雋偉有大志游學四方屢舉不第寶元初上書

言邊事請使契丹令外夷相攻以完中國用使者薦除秘書省校書郎願以

授父顯忠而自隱於青城山文彥博治蜀爲置白雲谿杜光庭故居處之丁

內艱鹽酪不入口植所持杖於墓忽生枝葉六詔不起喜奕棋樂山水遇有

興雖數千里輒盡室往遂浮沅湘觀浙江潮升羅浮入九嶷買石載鶴以歸

杜門著書未就卒宋史隱逸傳按愈字少愚一字淑才性通敏嗜學晁公武稱其文

有西漢風蘇舜卿以詩豪當時見愈大服愈在青城爲詩徧題壁上翛然有

高視一世之意云乾隆灌縣志愈二子石民楚民楚民登元豐進士第官至奉正大

夫子吉甫終朝議大夫伯振爲青城令石民子雲從孫文叔曾孫山父費著世
族譜

愈祀鄉賢祠

彭洵灌記

張及導江人爲臨邛令郡守欲引水泛舟遣吏於縣導堰水時農事方興及日涸民田以事嬉遊可乎令可去水不可涸守斂容謝之崇寧初上書乞復

司馬光官爵

彭洵灌記

楊汾字濟道號鈍齋青城人能文尙氣節以張德老薦爲隆川教授

朝野魏了雜記

翁稱其才思華瞻頡頏前修公卿侯牧屬治箋記名章麗藻泉激電發又云校藝南宮胡紘爲知舉怙長茂惡莫之敢撻汾持正無所撓人聞其事而偉之所著有鈍齋集了翁爲之序官至吏部郎歷東漢太守終潼川轉運判官

鶴山文集

鮮于大年

四川通志作鮮大年

導江人宋淳熙間令綿竹宅心公恕蒞政勤敏不爲豪猾所撓事有廢墜悉爲振舉建三賢堂祀楊元素字文中允張忠獻郡人侯午

灌縣志

卷十一

人士傳上

三

仲有記崇祀鄉賢

彭洵灌記

景煥別號玉壘山人有文藝善畫龍涉獵經史撰野人閒話收豎閒談住城北隅數畝園蔬家族數口豐儉得中爲人溫雅儉素未嘗有毫髮之競對人無老少必先稱名雍熙初富室王仲璋求畫龍始甚愛重後有人云山人畫格低於孫位黃筌遂將染皂山人聞之曰何不速言酬以好絹恭謝而退嘗使小僕挈帽隨行僕不見冒雨而歸衣服濡溼妻問故山人曰亢陽祈雨不許人戴帽其妻使婢送釵鄰家婢遺之泣以告山人因他假釵還鄰人常於僕婢知其困乏飢寒有不虐幼賤之風園養二鵝夜見糞有光告山人令以水淘之獲麩金二兩人以爲天道福善云

黃休復茅亭客話

代淵字蘊之本代州人唐末避地導江家世爲吏有陰德淵性簡潔事親以孝聞受學於李暉張達年四十舉進士甲科得清水主簿歎曰祿不及親何

所爲耶還家教授坐席常滿安撫使舉鳳州團練推官不就楊日嚴又薦之以太子中允致仕著周易旨要老佛雜說數十篇日菜食巾褐山水間自號虛一子長吏歲時致問澹然與對略不及私嘉祐二年九月召術士擇日言丙申吉頷之是日沐浴而卒宋史隱逸傳祠鄉賢按山西通志作代淵今志作戴淵據山西通志改正張綜官位事蹟均失考宋人祀入鄉賢特存之光緒灌縣志右宋八人張頷字達善導江人祖士丹鄉貢進士父瀛江西彭澤縣主簿蜀亡僑寓江左金華王柏得朱熹三傳之學講道於上蔡書院頷從受業自六經語孟傳註及周程張氏之微言朱子所嘗論定者靡不潛心玩索究極根柢用功既專且久所學益宏深微密南北鮮能及者至元中行臺中丞吳曼慶聞其名延至江寧俾子弟受業中州士大夫欲淑子弟以朱子四書者皆遣從頷游或開私塾迎之其在維揚來者尤衆遠近翕然尊爲碩師稱曰導江先生大

灌縣志

卷十一 人士傳上 四

臣薦諸朝特命爲孔顏孟三氏教授鄒魯之人服習遺訓久而不忘其弟子知名甚多瓜爾佳之奇楊剛中尤顯頷無子有經說及文集行世吳澄序其書以爲議論正援據博貫穿縱橫儼然新安朱氏之尸祝也至正中守臣以頷及郝經吳澄管留儀真作三賢祠祀之吳澄有東平張公墓誌崇祀鄉賢

元史 儒學傳右元一人

焦敏灌縣人洪武間以貢生任永豐訓導蹇義薦於朝擢主事歷刑部員外郎卒於官敏諳刑名而出以仁恕所至有冰蘖聲四川通志孫韶登成化進士授刑部主事遷武選司郎中弘治間知曲靖府興學校弭盜賊郡產嘉禾民歌之曰一本兩穗嘉禾滿田太守焦公其德格天清一統志民爲立生祠終雲南副使四川通志次子維章字雪山焦氏譜嘉靖丙戌進士家世衣冠學有根柢尤工古文有韓柳風格三典文衡兩司學使皆著藻鑑任河南參政清勤正直懋著賢

聲仕至山東巡撫四川通志與敏韶並祠鄉賢

鮮榮字居仁成化戊戌進士授沅陵知縣慈祥愷悌卓有政聲以母張氏衰

病上書乞終養孝敬盡禮閭里賢之其教人以忠孝為先服闋而卒清統人一志

思其德祠名宦湖南通志崇祀鄉賢

王伯字希直弘治間舉孝廉知蘄水縣仁恕明敏殫心民事建浮梁築堤於

巴河鎮民咸賴之崇祀鄉賢四川通志右明五人

陳九經號碧霞周村人學籍崇慶州少好經術銳意鑽研制藝以天崇為宗

肄業錦江時課藝一出人爭傳誦乾隆丙午舉於鄉再試春官不第退而友

教英俊多從之游而賦性高簡素飭廉隅辨義利歷官忠州豐都司訓皆有

聲彭洵灌記

劉光旭號晴巖年十三以貧廢學為吏幕友某見而異焉試以詩文益奇之

灌縣志

卷十一 人士傳上 五

力勸就學不數年為諸生食餼乾隆己酉以拔萃游京師為諸老宿所賞不

遇歸講學成都多士景從而素性嚴正閭左之不肖者每遷避之子固亦有

文名以恩貢終邑明經徐涵有晴巖先生墓誌銘彭洵灌記

劉永璋世敦孝友常以嘉言懿行勸勗鄉鄰人多感化事親務得歡心居喪

盡哀不入內寢既葬廬墓三年每大風雨必往視墓著有觀省錄人多誦之

子驥字昂軒弱冠知名學究六經旁及子史百家其教人以經明行修為主

從遊者甚衆道光乙未舉於鄉甲辰以大挑授職廣文初署慶即符以風教

自任搜訪節孝三百餘名倡建總坊尋任廣元教諭改修崇聖祠著有端士

習論刊存學宮文教一新風俗丕變以勞卒於官諸生皆執紼送柩出境哀

泣而去至今廣元人士猶稱昂軒先生不衰光緒灌縣志所著有四書講義長子昌

繼歲貢生亦健於文彭洵灌記

高萬春青城人少有志量能屬文工書法長習武技中乾隆癸卯鄉試行己不苟接人寬厚尤好善舉時西陲多事採購軍米設立濟田官民咸倚賴焉

彭洵灌記

子溥少沈靜敦尙氣節道光元年舉於鄉乙未成進士以母路太宜人

衰老不出侍養十餘年服闋以一僕一騎之官不事干謁大府檄令樂會值海氛不靖留雷瓊道署辦軍糧改署城邁邑固瘠區舊以箕斂下車即弛之折疑獄無算旋調崖州州屬漢黎雜處故事歲無事則黎有賞令廢久矣溥復舉之諸黎偃僂而前者以千數戒曰汝等皆朝廷好百姓毋羣飲毋好鬪毋縱火傷人諾聲雷動而退境益安嗣因外寇激民怒經旬始釋大吏不直民乃引疾歸滇寇入蜀制府檄練鄉兵頗有斬獲以功加直隸州銜溥爲人內剛外和自奉儉而予人厚教授生徒文行兼進遠近翕然稱城南先生祠鄉賢子孫能世其家學四川按察使黃雲鵠爲作傳次子正陽有文名壬子

灌縣志

卷十一 人士傳上 六

舉於鄉先溥卒

光緒灌縣志

孫履和積學工書歷主青城味江臨江書院臬使黃雲

鵠重之聘爲子弟師以歲貢終

新采

劉繩武字善堂父曰東陽廩生積學士也繩武少承家訓學務根柢入爭師之教人以躬行實踐爲要嘉慶庚申舉於鄉以大挑知縣官江西歷任龍南贛南昌等縣兼署南安府同知贛州府通判家本寒素入官清白不名一錢所至輒有聲江西巡撫程含章以廉能入告未及遷而卒囊無餘資士民贈贈輓始返

光緒灌縣志

道光十八年邑人請祀鄉賢龍南請祀名宦同日達部學者

稱善堂先生塾江李惺爲撰墓表

彭洵灌記

楊藜字蔚然歲貢生爲人謹厚子喬湄字秀川清乾隆庚子舉人著有家訓千言邑中名宿如劉繩武蒲聯芳輩皆出其門任洪雅教諭越十年諸生請益成就多人服其德教不忘焉從子曰楫能文善書乾隆戊申舉人從孫曰

起鳳字石農嘉慶丁卯舉人性高雅工畫竹任渠縣教諭諸生來贄誘掖循循如處家塾尤尙義渠之試院及養濟院皆出金助成之渠人高其行載入邑乘政績志後遷順慶府教授辭職歸光緒灌縣志楊固舊族多文雅士曰喬澤曰均皆諸生曰愷恩舉人並有文譽新采

宋履坦字靈巖號雲橋父朝鑑以孝友聞履坦生而穎異數歲能讀左國書成童後博覽載籍能悉義蘊弱冠補縣學生旋食餼講學於家從遊日衆爲人廣穎疏髯風貌奇偉而言論溫和尤重大義事親盡禮脩脯所入輒分潤諸弟業師黃梅夫婦卒無嗣遺一女爲之喪葬遣嫁士論多之年七十以明經卒於家同治十一年入祀鄉賢彭記灌洵其所選著有雲橋塾鈔養正編大口中義離騷注解總二十餘卷四川按察使牛樹梅爲撰文集序黃雲鵠有靈巖先生教澤碑其門人高溥爲述事略云光緒灌縣志履坦子孫頗能繼其志曾孫

灌縣志

卷十一 人士傳上 七

開肅於民國八年培葺武廟十年重修江安橋均有力焉新采

任儼號竹塢恩貢生素性剛方爲人質樸終日危坐正襟出則衣冠偉然行弗左右視人無敢干以私講學一本程朱首以端趨向爲教尤善書好飲積素案醉盈後一揮立盡然非其人卽奉以重金不爲作一字彭洵灌記

馬光型號東橋性聰敏未冠補弟子員嘉慶庚午舉於鄉三主岷江書院知名士多出其門道光乙未挑取知縣官直隸晉州州多劫盜牧者苦之光型摘伏姦究境內肅然大府以爲能檄宰鉅鹿鉅鹿爲張角肇亂處尤稱難治下車卽以風教爲先與搢紳講明正學斥黜異端俗尙爲之一變及任臨晉有沙泊田五萬餘畝奸民挾以爲利督墾之悉成腴壤達部升科民食裕焉歷任滄州清河井陘淶水平谷咸著政聲光緒灌縣志歸林後築別墅於城南江上詩酒自娛以終所著有槐黃集制藝小海岳樓詩稿彭洵灌記其子蓮舫孫福臣

皆積學能紹其業新采

文齋號曉舟素性端介工書能文每出必肅衣冠雖市集亦然與後生言必以聖賢為歸書學歐陽率更嚴整有法度即擘窠書亦點畫不苟方正其天性也癸嘉慶癸酉拔萃科未仕而卒彭洵灌記

傅秉經字雅堂歲貢生志倜儻而言論冲和循循善誘來學者恆百餘人官

儀隴訓導務殖人材人爭頌之脩俸所入置田宅為義塾計光緒灌縣志子宗圖承

遺訓畢之今味江書院是也邑人高其義祠鄉賢彭洵灌記從弟秉常字彝廷少

從之學敏悟不及中人而苦心默識不忘每讀書有疑義執卷廢食以思必

得而後已嘉慶乙卯舉於鄉以大挑選峨眉訓導諸生進謁必勉以忠孝會

監寇薄城肅衣冠坐明倫堂以死自誓圍旋解歷署雅州教授鹽源教諭生

徒就訓署不能容歸田後足不履公門耄猶好學不倦子宗厚咸豐乙卯舉

灌縣志

卷十一 人士傳上 八

人孫相廷廩生光緒灌縣志宗厚字醕齋天性篤孝以堂上春秋高不求仕宦訓徒

侍養三十六年父歿始掌岷江書院云

陳政典號鏡堂父錫周副貢生篤學能文嘗主岷江講席多士景從政典秉

承家學為時名雋彭洵灌記道光戊子舉於鄉甲辰挑取知縣分發直隸大府檄署

清風聽斷明析吏民畏服尋調補永年下車即肅衙規禮紳耆寬刑賦案無

留牘境內肅然歷任天津沙河磁州所至剔釐積弊與民更新政聲卓著以

疾卒於官人頌遺愛不置光緒灌縣志

張思偉號星橋嗜讀書一物無所累天性篤厚平易近人雖微賤弗稍忤道

光甲午舉於鄉春官報罷退而講學主岷江書院遠近來者室為之滿邑宰

賢之時相過從文字外言不及他也彭洵灌記

陳儒珍字玉山邑諸生素性方正砥礪廉隅專治樸學課生徒先德行後文

學有不率教者必嚴責之多所造就彭洵灌記尤重大義與諸兄析產隨所處勿與較親故貧者恆卹之遐邇稱長者子炳魁號甫丞登賢書任眉州學正光緒灌縣志積學能文克世其業有文存一卷生平篤於孝義母歿廬於墓嘗主岷江臨江兩書院成就頗多在眉亦然又諳水利川督丁寶楨修都江堰獲咎欽差查勘炳魁爲言用竹籠便當道嘉納之

董文炳號奎峯善書能文爲宋靈巖高足弟子宋歿同門多從之遊一以其師法教之成就甚衆彭洵灌記道光丁酉舉於鄉甲辰成進士知貴州永從縣永從學風頹靡文炳以靈巖言行錄及選刻文集教之每課士訓迪若嚴師文物煥然改觀嗣任天柱涓潭仍以治永從者治之道光己酉充貴州同考官得士尤多後署貴筑力靖苗亂遷仁懷廳同知未履任卒光緒灌縣志潘懷珠號文瀾師事宋靈巖久宋易箚時猶呼至榻前授以學懷珠奉其主

灌縣志

卷十一 人士傳上 九

終身春秋必親祭墓其行事一法靈巖事親曲盡孝養彭洵灌記母病焚香籲天

願減壽以益居喪則縗絰廬墓三年與弟懷玉友愛不衰教人以忠孝大節

次及文藝光緒灌縣志居恆足不履縣門垂老猶勤學不輟以歲貢終四川按察使

牛樹梅盛稱之黃雲鵠爲作傳所著有大中析解文法正宗諸書彭洵灌記崇祀

鄉賢孫泉宗性亦醇樸以舉人官秀山縣教諭新采

周人琳號華殿諸生少承家學博究羣書性情古直講學於家教人先德行

後文藝恪守先正典型受栽植者多知名既耄病目猶爲諸孫口授不輟卒

年九十有六彭洵灌記

王春元號時齋少以廉隅自飭與門人講學不問時事人罕識面同治甲子

舉於鄉不樂仕進安貧樂道以終彭洵灌記

胡士杰字恬齋少讀書長就臬椽常以活人爲意適有死獄而生之挾金來

謝不受後匿金篋中置案去覺追還之舊例椽五年一代臬司某重其爲人特奏留焉年八十六終於職子宗禮字履之以明經起家注選訓導未仕爲人嚴恪鄉人皆敬憚之子光祖字彥廷廩貢生家學淵源世多隱德少負文名游幕卿大夫間人爭倒屣而志趣高曠接誘後進尤博愛搗謙歷任高縣黔江廣文均以培植人材爲念不問脩脯士論賢之門人爲立教澤碑子三長昇猷字鴻賓廩生捻寇竄陝道員黃鼎延襄戎幕軍至鳳翔淫雨浹旬諸營乏饗蜀軍獨飽資其籌畫力也寇犯省城馳援者恃勇輕進直抵灞澇間忽大雪盈尺寇橫突之三十餘營皆覆昇猷與黃潰圍得免黃丁憂營務某適病軍中有潛煽者奉大府檄往撫曉以義皆帖服積功補岐山知縣襟懷坦易嚴束家丁嘗謂官民相習如家人父子則上下情通無庸飾智要譽也在岐十三年遷長安再遷寶雞卒於官次烜猷字鴻遠諸生以軍功保縣丞

灌縣志

卷十一 人士傳上 十

權甘肅階州州判有惠政擢知縣以足疾引歸季昺猷字鴻湘援海防例補湖南瀏陽縣丞以母老留眷佐餒單騎赴瀏在官二年慨然曰鼎烹不如菽水遂辭歸子時憲諸生昇猷子廷榮山西翼城縣巡檢烜猷子德麟陝西醴泉縣典史胡氏多佳子弟方興未艾云

灌記新采

傅毓秀字小岩性敦謹不苟言動爲文刻苦精深同治三年壬戌舉於鄉三游京師名噪甚春闈報罷退而講學先後主蒲陽岷江兩書院從游日衆學究根柢文宗先正寒暑講貫弗輟造就尤多家固貧而義嚴取與羞爲干謁士論高之

彭洵灌記

官遂寧教諭時執贄盈門勞而不倦卒於官遂人醵金賻之

柩乃返

光緒灌縣志

或謂秀毓幼赤貧其父使習藝塾師某憫而教之學業竟成

新采

李天旭灌東金村人清康熙初先世自黔徙蜀肄讀且耕五傳至天旭益恢厥家而篤於故舊貧老多依以終與人解紛必盡其力鄉黨稱之生平嗜植

花多至數十百種皆名卉邑令聞而高之恆造訪妻孟氏具酒食諸子奔走將事忘形賓主極田家之樂焉孫曾繞膝五世同堂錫慶衍期頤額年八十
二卒孫炳入邑庠餘亦多能文者

新采

陳毓菴號馨山歲貢生候選訓導性情清介一事不苟家構龍谿山館日夕歌嘯其中居臨城市閉戶讀書罕有識者何小宋中丞寓灌日與之唱和尤多歷署華陽石泉達縣井研越雋浦江學篆著有龍谿山館詩集

彭洵灌記

羅鳳藻字綺樓於兄弟爲伯氏家肆農耕而鳳藻獨力學食指既繁恆恃脩脯以佐父曰智章性方嚴鳳藻爲廩生顧弗許出保謂科舉叢弊勿以此玷我家誓不飭法乃得請父卒兄弟已異財則泣曰此何事而忍較盡力治喪哀毀逾節焉鳳藻婚於苟氏未娶得瘖疾妻父維元欲罷婚持不可繼娶蕭氏撫前室子如所生無間言也晚以歲貢官渠縣訓導屢捐俸給諸姪謂是

灌縣志

卷十一 人士傳上 十一

皆前人餘蔭不可獨自厚諸生始入庠例有贄貧者或質以券胥舍之以故有頌聲每學使按臨綏屬輒印書贈士子類皆言近旨遠能爲教育助者有子四孫十一列膠庠者數人能繼其業而季子世勳次孫春濃尤醅謹民國十二年癸亥邑人請於吏入祀鄉賢在渠所刻書曰勸戒錄福善明徵錄養正彙編所箸竹柏山房稿燬於火出山小草謹存輯之爲燼餘集云世勳字烈堂邑諸生從宦事師數往來渠灌間親老歸田在途侍疾衣袴皆手濯之與諸兄析居負累無怨事母蕭先意承志喪葬盡禮闢林園爲兆域所獨任也課耕教讀數十年鄉黨稱善爭競者得片言立解於義舉尤力倡焉所著有逸園集春濃字子厚性情淑均與人無忤力學不售以布衣終素好吟詠然稿隨散佚罕有存者

新采

羅錦裳字輔臣積學敦品有文名從之遊者試輒利及門恆數縣人然屢薦

不售久困名場以歲貢終而嘉言懿行可式鄉閭其居母喪祭葬一衷於禮不誦經懺有宋儒風及病革遺屬子孫亦如是剛方正直學者仰之新采

趙含芳字芷庭邑諸生爲人樸質而和藹與物無競教授生徒恂恂善誘人服其德鄉黨稱之家故業耕偷兒竊其牛一笑置之時方清謐盜牛亦爲重罪竟不報案也光緒初卒年八十有二新采

李天培字岱安博學能文賦性恬靜生平不預外務以歲貢授徒終門人有登甲科者其居家孝友與弟析產讓多受寡諸子肆耕且讀季曰仲卿擅美術鐫刻竹器屢獲獎於成都勸業會云新采

宋永華字墨香歲貢生爲人敦厚力學其肄業錦江時主院皆器重之退而講學成就多人而內行修飭一門雍睦以孝友聞沒後鄉人思之爲立碑以風世焉新采

灌縣志

卷十一 人士傳上 十二

徐涵號敬齋歲貢生少有文名受學於王蓮洲太史深見器重秋闈報罷遂隱居不出以詩酒自娛尤善治古文求者至集著述甚富安貧樂道有古賢

風

彭洵
灌記

傅林字春山積學敦品有重名從遊者衆學舍至不能容邑宰慕其人有事輒與議西河水災幾成澤國因勸有司詳減捐輸銀千兩民困以蘇鄉人立碑彰之新采

田秋元字培齋爲人儉樸有古風藍逆擾灌秋元因入山以授徒自給貢成均時有勸其註選者慨然曰此何時而欲宦耶其雅量如此新采

謝奉揚字崧南歲貢生少力學而貧五列優等始食餼常訓生徒曰人生當安命不義富貴何足爲榮故從遊者多端士子岷川諸生亦誠樸平生所鈔書積二百餘冊皆工楷又好吟詠著有寶瓶詩集三卷新采

尹昌奎字星垣諸生爲人端正鄉里爭訟皆質之於來學者尤訓誨不倦喻以躬行實踐無慚名教歿後鄉人爲立教澤碑昭其實也新采

鄭翊清字樸菴爲人質實以恩貢註選教諭而不樂仕進居鄉授徒學者景附兄子牧亦知名鄉人皆爲豎碑牧字蘭亭清潔自持不預公事惟勤於教人從遊者多獲雋居家恂謹以孝友稱新采

王培基字丕堂幼勤學得痼疾偶念孟武伯問孝因自攝養恐貽母憂後補弟子員貢明經居家講學廉潔自持年七十無疾而終鄉人爲樹碑焉新采

郭仲達字紹伯才思敏捷而不得一第以歲貢終爲人俠而遠利友人袁某見辱於有司走千里代控卒得直衆皆稱之事母孝與人汎愛尤篤於同氣家貧無子歿後門人賻金以葬用餘財梓其藁名曰紹伯詩存邑人議請祀鄉賢以民國停祭未舉報新采

灌縣志

卷十一 人士傳上 十三

楊澍字春橋以郡學知名避藍逆徙居老人村在興仁場教授三十餘年其地近山子弟鮮學自此得師多所成就爲人方直不預外事母死廬墓三年舉孝廉方正同里有郝秉忠劉玉鼎姚先悟者皆盡力桑梓守正不阿先後祀於社鄉人虔奉之新采

王澤霖字崑山邑歲貢生賦性戇直爲一方所仰鄉人爭閱赴訴其是非每決於片言新采

游亨衢字吉菴世居灌東崇義鄉有隱德亨衢力學篤行清嘉慶間以廩貢歷任鹽源高縣訓導好施與而尤喜爲樹人計嘗捐田二十畝創設義學鄉中子弟多賴之其孫觀爲補條規數則云觀字子溫性曠而學博試不利隱居泉橋以詩書畫自娛談及時事輒感喟蓋君子人也從弟曰觀邑諸生爲

人亦醇篤

新采

苟正寅字明軒理番廳寄籍廩生爲人強毅清成豐間藍賊犯境督團捍禦甚得力故一時峨山團有聲邑鄉賢祠嚮有勾龍如淵神主正寅以爲清濁不分臚狀有司撤之其慙直如此苟氏爲邑舊族多文雅士有學川者號鹿池歲貢生在地方頗負時望人因以字名其地曰鹿池園采新

陳光遠字耀堂歲貢生爲人性謹而貌和授徒數十年成就頗衆且友愛其弟搏九出入必偕如幼時狀人以爲難子冠琅諸生性亦忠厚誨人不倦有

父風

采新

張汝賢歲貢生品礪廉隅而學務根柢其著作奧衍幽深晚年尤精天文算數諸學綽有心得云采新

馬順璋字贊臣爲人質直好義言行相顧有長者風幼貧以商起家屢墮於人不怨也子三人長曰繼華自有傳采新

灌縣志

卷十一 人士傳上 十四

劉輯光字昂溪爲人言行不苟士林重之昆弟析產則辭腴就瘠清光緒初太平山匪之變兵團蝟集皆妄殺人輯光爲言於有司全活甚衆川督吳棠保舉知縣不就以舉人任會理州教諭十年歸鄉布衣蔬食如未仕者采新

張國光字晴嵐性醇篤嘗訓生徒曰儒者先品行而後文藝慎勿徒恃才華以故及門多端七年踰八十以歲貢終采新

艾秉乾字健亭恩貢生爲人敦品誼工書法學使郭尙先亟賞之其居鄉時每出入人皆起而致敬有請謁者必肅衣冠往見其曾祖文星於清乾隆間與王天順劉玉相張全信創開長同堰年久淤塞秉乾復蠲款浚之爲一鄉所利賴後選廣元教諭辭疾不赴子朝英性孝友父歿哀毀幾滅性母宋得廢疾湯藥躬親寒暑無間與弟析產恆推讓卒年踰九十采新

高仕榮字煥廷爲學獨喜易以此應試見賞於郡守黃雲鵠後以增生就教

職歷署江津射洪南江訓導解組歸鄉恂恂似不能言者邑令常尊禮之卒年八十有九

采新

彭洵字古香邑廩生博學善書以軍功保舉知縣分發陝西歷任麟遊等縣卓著政聲公餘輒有撰述成書數種子六人錫光廩貢生能文錫疇以拔貢宦陝西頗有吏才

采新

衛廷瑤字長城邑諸生歲貢繼榮父也性直樸而矧於言爲文則奔放繼榮之學皆出庭訓生平遠外務而特嗜善嘗捐百金創修萬壽橋頻年施藥不懈晚精推步一日謂家人曰某年月日甚好葬得吉不久逝竟用此日焉亦

奇矣

采新

唐籍緒蒲陽鄉人授職千總不肯仕家富而好義周恤貧乏無所吝性孝父典曜母尹氏皆早卒合葬宅左木石之工備極精麗繚以崇垣詩以嘉樹林

灌縣志

卷十一 人士傳上 十五

泉幽潔四時若春蓋追遠之誠所致也唐故大族戶口繁遠近稱唐氏者率以花墳園別之籍緒初娶熊生子女八繼娶舒生子女二門內雍睦無間言也季子曰殿臣爲邑諸生有文名

采新

徐昱字介民清舉人爲人不言勢利潛心學術文粹以精主岷江書院十餘年造就多士尤善畫竹工書法授會理州學正歸老以終

采新

馬鯤字圖南積學能文有聲庠序間既登賢書留京久之始得一官需次滇中署宣威州被議非其罪也鯤既落職則游幕大府爭致之辛亥國變間關始得歸貧甚而狀猶矍鑠爲人樸直無虛飾邑人皆推重之卒年八十有三有子四人伯氏早卒仲叔皆宦游於外庶出者爲季子仍守先隴云

采新

左席珍邑諸生左煜父也弱冠負文名因厥考廷舉歿始廢學理家政守朱柏廬治家格言期於實行生平喜爲人解紛有陳寔王烈之風年踰八十卒

子煜孫煥章皆入邑庠

新采

王昌麟字瑞徵清舉人父曰圖邑書廩生有文名昌麟少孤而性敏好學初以諸生調尊書院肄業壬壬秋主講返湘從學於湘綺樓者二年光緒戊子歸蜀膺鄉薦春闈不第留京復學於壬秋先後凡七年甲午考入國子監南學得窺四庫書籍學益進課最名動公卿將擢用適拳匪變作狼狽旋里灌鄆兩書院互聘主講竟委窮源誨人不倦習其業者率淵雅而有根柢焉己而應川中各學校聘多所成就被選爲四川諮議局議員亦有建白國變居鄉整理舊業己未病歿昌麟幼貧頗能砥礪廉隅學成而未展其用以銅梁教諭終民國十四年邑人請於吏允祀鄉賢著書數種詳藝文書

新采

萬鵬皋字雲衢清光緒初以侍衛授江西武寧營都司擢任參將遊擊等職性剛直不喜逢迎初在武寧時歲旱縣令不以聞鵬皋力陳荒象以越職撤

灌縣志

卷十一 人士傳上 十六

任士民羣起籲訴鄰封亦爲代白乃復任賦稅以減武寧父老子弟爭迎境外勒碑頌德焉每遇火警必身先士卒撲滅之所全者衆家故寒素於餉糈不苟並以俸金倡義舉成鄉塾教貧民廣慈惠粗衣糲食泊如也公餘則習文事延師訓子姪有入庠者性善書能吟詠與士紳詩酒往還有雅歌投壺之風宣統三年升授南贛鎮總兵遭國變衆推任鎮守使弗許引退武寧山麓旋贛城厄於水官民多溺死若其苟圖富貴必將節貶而身危以此益見重於人民國四年鵬皋挈眷歸至渝資罄其姪壽圖往迎之在途遭疾抵家一宿即隕年已七十以復見故鄉風土爲慰云

張暉暘字春谷以監生從戎保授漢中照磨俸滿推升知縣歷署保安延長安定所在有政聲調知肅州補授丹噶爾同知在任十年漢番悅服兩次卓異均書上考旋西寧番變糜爛各屬改調貴德同知兼主轉運事賊來攻且

戰且守迨亂肅清升知慶陽府加道銜年滿致仕回籍卒於道年七十有七
暉陽服官三十餘年未嘗置產人信其清死之日大吏皆親臨弔云子家驥
字秋屏性豪爽以增生從戎保縣丞留陝試用旋署商州州判兼攝商州政
聲洋溢甘督升允以天性誠毅見義勇爲入奏傳旨嘉獎擢知縣值歲饑道
殮相望兩宮幸長安發巨帑委家驥辦賑不辭繁劇事必躬親既畢委內廷
供給時內官李蓮英貪橫家驥以剛正得咎人皆危之竟免議旋委榆林縣
廠前任同鄉某以虧款被留憐其疏虞實非侵蝕請以已俸爲彌補並飲資
斧以歸在差凡十年兼署神木府谷宦囊仍泊如也民國肇造赴京養痾當
道力薦不出攜眷歸抵家三月卒年七十有四彌留時不言家事惟歎時局
奈何而已新采 右清 七十二人
贊曰自漢以來遙遙二千年吾鄉先達之著聞者多矣雖其學術事功不無

灌縣志

卷十一 人士傳上 十七

軒輊要皆潔清自好直道而行者也前志部分或一人而再見茲則善善從

長彙而傳之俾邑人有所矜式焉

以上 鄉賢

王廣江原人父皓爲公孫述所聘自刎死廣逃匿述破郡及州命察舉皆不

往曰吾不能復仇敢慕當世榮利耶

華陽 國志

李胤字孟元江原人修易論大義略舉質性恭順與叔子就同居就有痼疾

孟元推所有田園悉以讓就夫婦紡績以自供給

益部耆 舊傳

司空辟士胤與其選

云

華陽國志 右 後漢二人

張元性孝母死負土成墳有兔馴繞其廬及羣鳥銜土置墳上縣令異之爲
奏其事於朝十國春秋 本傳明德二年六月賜江原孝子張元帛三十段並米酒等物

十國春秋孟蜀後主 本紀 右後蜀一人

何敏寶園季子也初寶園有女嫁而夫困於差役徙居恭南書問斷絕寶園

念之敏請行至則姊之夫亡姊與諸孤飢寒無以爲養敏迎生者取亡者之骨以歸寶園祝曰願汝子孫詩書不絕後敏諸孫七人登科而渙遂魁天下鄉貢禮部廷試俱第一宣和間渙廷對譏切王黼蓋青城何氏惟敏之後最

盛云

輿地紀勝
右宋一人

張奇彩筏村人與妻葉氏皆篤孝母患癰奉醫藥不稍懈居近江康熙丙戌孟董山崩壅絕潮流奇彩以徒請母不許懇再三母曰我如此尙貪生耶爾夫婦急去無念我奇彩不從越二日煙霧四塞江聲如雷乃扶母登樓俄水捲樓去遂相失夫婦於浮沈中猶呼母不絕聲流三十餘里水忽分數派中湧一洲夫婦因得不死未幾母亦漂至氣已絕昇歸葬焉人謂孝感所致云

乾隆灌
縣志

靳國卿字輔臣少讀書能屬文試不售改習武藝乾隆乙卯舉於鄉爲人和

灌縣志

卷十一 人士傳上 十八

易雍容尤敦內行事寡嫂甚恭凡事請命而行兄遺五女擇壻遣嫁一如己女焉從習武者仍授以五經語孟生平好學老而弗倦謂非此無以自娛也

彭詢
灌記

宋朝錙父襄環早歿母何籍貴州遵義舅氏迎歸嫁之錙念母恆泣下因赴遵義訪母時繼父已死乃迎母歸錙不識字然尊禮士人孫履坦遂以文學著入膠庠者接踵曾孫道誠性孝友與兄道恂析居日必聚語歡笑姪樹棠負債多金相與舌耕代償之道恂子樹鑫有聲庠序間

光緒灌
縣志

宋映奎邑增生事親先意承志居喪苦塊三年不飲酒食肉誼敦友愛析產讓美不居弟迫於博債出金償之禍乃息諸弟因斂迹向善進士高溥題其銘從鄉人議諡曰敬毅先生

光緒灌
縣志

楊義仲幼時父病危刲股和藥以進終諱不言後舉耆壽優游林下以終

光緒

灌縣志

張鳳翔母劉病目翽於晨昏餽之目復明弟鳳翔以千總從征羅卜藏丹津戰歿往運喪歸葬所遺子女翔為教養婚嫁之生平好義舉邑令獎以額曰樂善不倦次子啟忠性孝友與兄析產後兄歿子女幼仍令同居代償其債婚嫁既畢復取田宅均分之歲饑蠲米振濟邑令獎以作善降祥額蓋亦能

繼父志者

光緒灌縣志

劉魁鰥性友愛與弟既析產憫其窘仍令合居及猶子成立乃與其子女均分之長子鼎歲貢生亦能體親志善待同氣云

光緒灌縣志

吳暢然少失怙事母孝既與兄析產仍代理其家政為兄所嗣茹素六年兄果得子先是兄傷人垂斃昇歸已家藥之愈兄得免於難浩然或有時憤怒衆勸不釋兄至一言輒解鄉黨稱悌弟焉

光緒灌縣志

灌縣志

卷十一

人士傳上

十九

王應璽恩貢生孝事繼母氏傅有弟開鑛負課代完千餘金得免於獄其弟之遠居者債迫往告必給之晚年使移宅相近朝夕歡聚怡怡如也

光緒灌縣志

高世倫諸生崇元子也年十六割股以愈祖母疾尤善事繼母友愛諸弟族里賢之

光緒灌縣志

張國光歲貢生幼孤事母孝友愛二弟常分脩補助之母歿哀毀盡禮並圖象祀館中年逾八旬重游泮水人皆尊其齒德焉

光緒灌縣志

文萬鵬傭工養母為弟營娶以延嗣續流寇藍大順竄境鵬侍母病不夫遂遇害

光緒灌縣志

張治南歲貢生親病侍疾手自調藥雪夜罔懈歿葬省墓事死如生諸兄家落恆分館穀助之鄉黨咸高其義

光緒灌縣志

宋朝臣家極寒微有叔母朱貧而乏嗣伯兄朝陞以足疾廢亦無子朝臣均

留養焉

光緒灌
縣志

陳治壽少孤事母孝飲食必侍左右歷數十年如一日與兄亦式好無間有瑞鳥來巢於林人咸謂孝德所感

光緒灌
縣志

楊清福性篤厚事親務得歡心同氣析產不稍計校兩兄歿躬任斂葬為育其子女臨終屬家人善視之後俱成立

光緒灌
縣志

李玉廷業醫藥弟玉堂負債即以藥肆讓之歿則收養其子女生平喜周濟鄉黨贈以善人額後室燬而額猶存

光緒灌
縣志

張國柱家貧鷺果奉親恆負父入市問所欲輒買以進父歿當除喪鄰人欲賻之謝曰吾一日易服即一日不見吾親何忍也竟以素服終其身

光緒灌
縣志

鄭永富少為人傭每餉果肉必懷以奉親暮歸則歌詠入門以娛之獨力供養三十餘年不與兄弟較歿葬哀毀臥病鄰人饋以藥卻之曰已矣吾將事

灌縣志

卷十一

人士傳上

二十

親於地下矣輟食數日而卒

光緒灌
縣志

李福春性孝母患心疾久治不瘳因割股和藥以進遂愈同時有徐清品馬福長者亦皆以割股愈其親殆誠孝所感云

光緒灌
縣志

許湜國學生為人勵學敦品母喪廬墓三年和愛兄弟無稍間邑令嘉之獎以孝友天成額凡有義舉皆實心任勞怨所著有時日見聞略邑乘多採錄

之

光緒灌
縣志

陳友信幼遭艱苦未嘗學問性純美能博親歡長而彌篤親歿葬祭盡禮勤儉致富有田四百餘畝與弟均分情好甚摯且敬重文人其孫曾有入膠庠

者

新
采

王朝霖字雨蒼太平場人父孟卿母高生子三長朝弼次朝彥三即朝霖繼母熊生朝英旋歿嫂楊鞠育諸弟旋亦歿家計漸窘先是朝弼遊幕朝彥朝

霖則力農稍寬裕賃田以耕朝英恆涉水往視戒弗爲止盛夏水漲竟溺焉
舉家哀號覓屍弗獲朝霖沿流至青神眉山間聞有撈屍會得一身材似弟
者負以歸晝行炎天烈日中人皆掩鼻夜則露宿將抵家族姪警曰叔已斂
矣何復有此朝霖悟置背籃路旁給觀者曰予不忍友人葬魚腹因負之歸
盍助我葬義塚衆義之如所言初家中揭於途因得屍惟憂朝霖久不歸至
是乃慰鄉人嘉之歎爲天下難事云新采
林仁貴者襁褓即出繼伯父錫金嗣母唐苦節撫之成立性樸訥目不識丁
且貧甚恆傭工以養母得酒肉輒持歸怡色柔聲四十年無或怠母病難不
能反側夜弗解衣以待湯藥常爲滌穢絕無怨言母思豬肝必日購以佐食
母歿哀慟甚至人以孝子稱之新采
李權字成蹊清增生家貧乏而性最友愛以售產餘金讓兩弟已則教書自

灌縣志

卷十一 人士傳上 二十一

給云

新采

馮啟章號保牛三陽鎮人也賦性剛直而內行純摯早失怙事祖母及母至
孝終身孺慕左右弗違有弟二曰樂山曰瑞廷擇師教之不惜重幣相繼補
縣學附生其課督諸子尤嚴皆賴以成立邑宰賢之委充和會局士不避勞
怨力扶善類又倡興局課培植人材規定章程期垂久遠鄉黨稱善焉新采
王建中字裕昆灌南中興鄉人也父廷柱母蕭氏弟之燦之銘有薄田僅足
衣食建中性孝友事親竭志喪葬一衷於禮弟相繼歿撫其息如己子析居
後舌耕所得皆均分之先是相者謂建中命薄勸其習醫笑謝之而力學不
倦爲人和易絕忿爭竟以歲貢生終享年九十有四常言命由我造因以勉

人焉

光緒灌縣志
新采

張旭寅清巡檢少讀書長習醫術年十五出就外傅父遠商未歸旭寅聞祖

病急返陰籓天割股和藥以進祖旋愈家人不知已亦無患也亦壯痕猶存人問則詭詞以對遇密友不敢飾則曰毀體爲不孝但迫於無如何耳民國十三年偶失足墜樓竟無恙已而病瘳治不效夜夢祖曰汝病用生米嚼卽愈異而用之果愈人以爲孝行所感云

采新

劉金鳳少貧及長經商致富購田三百餘畝有兩弟一病跛一性乖而母鍾愛之鳳曲體親意隨所欲以相償甚得母歡後析產平均不居己力也

采新

楊鶴齡清監生賦性純篤積學不遇遂適志林泉與兄析產後兄負重債代爲之償母歿祭葬皆獨之不累其兄

采新

陳上達諸生賦性忠直學養亦邃其先小康析產後諸弟浸貧隨所需應之旋亦空乏而終無怨言諸弟感悟和好如初子經字稼書樸而勤爲邑增生其作苦與傭保類積資寢豐而手不釋卷家人化之

采新

灌縣志

卷十一 人士傳上 二十二

劉家瑞字曉颿以歲貢候選訓導幼失恃事繼母如生母居父喪廬墓三載哀毀盡禮弟歿分居以沃產讓猶子家瑞長子亦諸生能承其業云

采新

童啟寬字容齋清教諭燮光子也幼隨官肄業父歿扶柩歸葬祭如禮奉事祖母先意承志能博其歡兄嗜賭勸不止爲售產償債始析居以謀生焉

采新

陳德俊字秀孚天性純孝與諸兄相友愛舉止皆稟命數十年如一日焉家庭雍肅鄉人稱之年七十有九而終

采新

陳大鈞諸生炳勳父也少好讀書性孝友年十五父登發卒因廢學同母徐治家兄大芳娶嚴氏二載歿腹遺一子弟大慶娶劉氏生子女各二旋逝僅有田數畝嚴劉均矢志守孤大欽備歷艱苦務得母歡待猶子如己子置田數十畝然後異財炳勳入邑庠徐已九旬尙及見之

采新

戴朝聘字輔臣清恩貢生註選教諭父嵩邑增生年老而鰥婉勸續娶親往

迎歸事之如生母父歿哀毀踰節數年繼母逝赴縣報丁有友阻之曰再醮婦何丁之有朝聘正色曰爲吾父妻即爲吾母阻者無詞守制如例其兄私負重債代爲清償弟性傲接以友愛後亦化焉采新

王世友少孤家貧母攜季弟改醮世友年八歲稍能謀生仲弟世忠僅五歲無所依撫於人閱數年世友聞仲弟遭刻待良不忍乃挈歸共力作蓄積致數百金皆有室乃分爨母後夫死窘甚與世忠商迎歸並季弟及異姓妹亦養之爲女擇配爲弟完娶弟亡又與世忠安厝之母歿葬祭如禮鄉黨稱孝弟焉世友年八旬家益裕采新

蕭鳳颺字梧岡諸生士彬父初居崇慶州元通場遭藍寇屋焚家人離散鳳颺逃至中興場未知繼母所在年餘始悉從前子楊去苦甚乃迎養如生母方鳳颺之與兄析爨也有無多少不計兄病篤召至執手泣曰昔分居時我

灌縣志

卷十一 人士傳上 二十三

誤藏數百金在外家負弟多矣今家貧妻拙三子俱幼奈何則應曰若有不諱當盡力視孤寡後果踐言俟兄子成立能謀生乃已采新

王觀光字慶三諸生家小康與弟祝三既分爨弟好貨殖而敗累債數百金代爲償勸之不聽仍累債又代償弟乃愧因勸勿再貿易復同爨焉采新

釋法光張姓佚其名少孤貧母嫁棄之去因披剃及壯在崇義場南華宮住持母後夫故無所依乃迎養於廟溜汗滌穢皆身任之母性剛稍拂意即詬誶僧順受朝夕誦經爲祈福母死哀戚甚至數年卒人以爲念母所致云采新
黃丐逸其名足跛目眇而體瘠以行乞終爲人特孝每日得食必以精者奉母佐以酒肉腰間常懸土缶行沽數十年如一日母歿哀甚喪葬竭力未幾

死采新

周克生郫縣花園場人也父葬灌東崇義鄉胡家壩距所居二十里朔望必

來墓前拜跪喃喃若有陳述風雨無間身歿始已

采新

魏氏子佚其名舉人觀陽子也年十歲聞父自京歸歿於長安道悲痛幾絕日北嚮哀號願隨其祖返父喪禁之不得竟與偕往扶櫬安厝念父不已旋

歿

采新

甯氏子年十二其母因憤投河追挽弗及亦投焉母獲救不死子飄去後數日母夢子言屍所在索之果然此子天性過人宜其死而不昧也又有姜成福者太平場人與其父若弟運炭父春和年六十矣行至玉堂場河濱車翻落水成福救之俱溺死

采新

彭九章其先溫江人徙居灌南太平場之天成街家素封至九章中落無妻祇一兄訓蒙於外母張病風痺凡衣食浣濯便溺之事皆九章任之朝夕不離側以此益貧至無以爲養鄰人周天和慕其孝助資使貿易始有以養母

灌縣志

卷十一 人士傳上 一二十四

如是者十八年母見子勞瘁謂恨不卽死九章多方解之及母歿日夜號泣數年亦卒

采新

楊士俊邑附貢生性孝友與兄析產兄以食指繁家日匱仕俊不忍其陷入危境復迎歸合爨如初又好善舉一方公益知無不爲爲無不盡鄉人皆義

之

采新

劉源諸生西橋長子歲貢生孝先兄也同母弟四人皆性剛源能處以和柔恆聚首如童穉焉其事繼母亦孝諸子或讀或耕或商皆依母命不敢違

采新

邱元興年十二時母王病篤醫云不可治元興禱於神割股和藥以進病忽愈又四十餘年乃歿

采新

陳政恆字吉菴聚源場人副貢生錫周子舉人政典弟也嗜學能文並嫻醫卜而試輒不利遂輟學務農同治九年走馬河溢政典率鄉人救溺者全活

甚衆又蠲資葺廟宇建宗祠施義塚兄與從子殉難清河縣載其喪歸經行水陸萬里不以爲勞

新采

羅鴻聲字仲文幼穎悟能讀書試不售因援例爲國學生清光緒三十一年畢業成都府中學校歸長灌縣高小學校閱數年復畢業四川法政學校國體變更遂從戎歷任陸軍書記官署崇化屯知事頗得民和歸任崇義鄉團總地方賴以安靖民國十六年春軍團衝突黨派紛歧鴻聲介其間枉招疑忌因辭職然性坦率無城府鄉人夙倚之而不虞其以直賈禍也翼年二月初七日偶至崇義場茶社雷貴泉喉匪突狙擊邑人冤之先是貴泉從鴻聲奔走常在左右後雖以睚眦積怨固亦易之且宋氏爲社會領袖於羅爲戚友而雷則奉命惟謹者以故恃焉不備豈料其毒至是哉鴻聲性孝父歿治喪竭財力母病輒累月素食祈減己壽以益又復疏財與人周至而死非其

灌縣志

卷十一 人士傳上 二十五

命身後蕭條異矣越三年雷宋皆以事伏法

新采

蒲文蔚邑東高磴廟人家貧而性純孝父尙培母余氏均老弟幼不能謀食妻高氏育二子一女一家數口惟文蔚是賴然碌碌無他長恃傭耕以給一日聞父病馳歸藥罔效數瀕於危忽憶割股療疾故事因割臂肉煎湯以進服後熟眠及覺而神清病若失能起行竟以不藥愈此民國十九年事文蔚初自諱醫者驗創而訊之乃爲言鄉人嘖嘖稱蒲孝子云

新采

陳新善武生文起父也新善之父曰化圖汶川歲貢生無辜繫獄深憫其老稟有司願入獄代父旋亦得釋

新采

李遠經少貧而孤性純孝母以日者言寄寺爲僧三年歸力耕奉母歲恆不足母怒或杖之言笑自若奉母三十年如一日母歿跪靈前數晝夜不起既葬廬墓不啖熟食後七年棄家出遊不知所終

新采

馮萬章家赤貧十二歲即失怙母又病廢乃傭工董姓家董憐而多與之值母衣皆夜歸浣濯疾輒延醫且爲招魂聲震鄰屋如是者二十餘年母歿生計稍裕積金至數百云

新采右
清五十五人

贊曰孝弟庸行也亦至誠也苟非根於天性而稍雜以人欲有難持久者矣士夫束身名教矜式羣倫無足異者鄉人碌碌行事乃與賢哲同科其誠所發哉毀身愚孝或非議之然其愚正不可及雖曰未學吾必謂之學矣今述前志而摭所聞附之用以彰往而察來焉

以上
孝友

王皓字子離江原人爲美陽令去莽歸蜀公孫述僭號使使聘之皓乃自刎以頭付使者述慚怒戮其妻子王嘉字公卿亦江原人爲郎王莽篡位棄官歸公孫述先閉其妻子使人徵之嘉聞皓死歎曰吾豈後之哉卽自殺

華陽國志後漢

書獨行傳右
前漢二人

灌縣志

卷十一 人士傳上 二十六

常洽字茂尼江原人自荊州刺史遷京兆尹侍中長水校尉以兵衛大駕西幸李傕等作亂常衛天子左右爲傕所害

華陽國志後漢一人右

常順三國志注作房江原人爲益州從事先主薨越雋叟帥高定元叛益州大姓雍

闔亦殺太守正昂孫權遙用闔爲永昌太守牂牁郡丞朱褒領太守恣睢丞相亮以新遭大喪未便加兵遣從事常順行部南入以都護李嚴書諭闔闔曰天無二日土無二王今天下正朔有三遠人惶惑不知所歸順至牂牁收郡主簿考訊褒因殺順爲亂

華陽國志右
蜀漢一人

杜翊世青城縣人父準官朝散郎唐杜甫十世孫也宰綿竹卒翊世幼孤隨母黎居外氏母教嚴必使世其家紹聖元年第進士官朝散大夫通判懷德軍靖康初北寇作西戎亦張奄至城下凡三旬援兵不至翊世先火其宅乃自縊事聞贈正議大夫命官其後子慥忱以賞得官孫逸老俊老廷老曾孫

光祖大臨以遺澤得官蜀守表其居曰忠義坊

費著世族譜 蜀人物志右宋一人

楊厚安山西人明末官四川潼川府副將舉家入蜀後陞松潘鎮總兵張獻

忠亂蜀奉命剿賊陣亡於灌西玉壘關子鰲從征痛父遇難投江死清初亂

平其裔遂入灌籍

楊氏族譜

了空者青城太安寺僧也獻賊之亂民多避入山中了空率衆扼險禦寇觸

崖死鄉人義之繪像崖間以祀又有鑑隨者與了空同志賊焚其寺亦戰歿

焉

灌記 互詳故實 紀 右明三人

馬捷雍正八年赴京充羽林軍乾隆元年回川以馬糧效力十四年金川土

酋不靖捷以外委從征奮勇破敵授千總候補守備進攻馬爾邦陣亡賞給

回葬

乾隆灌縣志

羅純以卒伍從征臺灣歷保都司戰歿得雲騎尉世職子承助襲之積功至

灌縣志

卷十一 人士傳上 二十七

隄督銜自有傳

彭洵灌記

吳安邦道光初年以外委從征西寧每戰必先保守備後戰歿給雲騎尉世

職

光緒灌縣志

鄭汝清費光斗皆以馬兵從征廣西時粵氛甚熾蔓延日廣迭陷名城官軍

剿之互有勝敗咸豐間洪楊北竄二人奮勇出擊陣亡

光緒灌縣志

何汝源字左泉少孤母陳撫之成立性慷慨爲人魁偉音響若鐘道光癸卯

舉於鄉以大挑知縣分符東河母老不肯出兩主岷江講席生徒濟濟多所

造就滇逆竄蜀大府檄辦河東團練激勸忠義人心爲之鼓舞咸豐十年九

月防河截擊藍寇以千餘人扼大石橋頗有斬獲賊訶知孤軍無援大股並

進衆遂潰惟健丁數十隨至湧山寺裏創再戰力竭被執誘之降不從賊脅

之復怒罵刺刃於腹罵益甚遂斷舌死事聞贈知府給雲騎尉世職所著有

梅花閣集彭洵按汝源稿佚其詩有秋風長劍影明月大刀頭及心賞文章皆入穀手栽花木已成陰句人猶誦之

何成江以卒伍從征湖北保外委立功安慶桐城宿松黃梅間進參將同治元年復隨楚軍援陝克紫荊關剿捻匪戰甚力遷副將統帶牟字營加總兵銜翼年進剿倉頭賊歿於陣多隆阿以聞賜卹如例光緒

王夢麟漩口人幼有智略以把總從征廣西保都司轉戰蕪湖金陵進副將以剿南陵涇原流匪功留浙補用咸豐十年克復旌德太平加總兵銜乞假回籍旋經汝撫奏留剿回因事被議總督以功奏免譴進攻肅州陣亡事聞

開復原官給騎都尉世職

光緒

任三元字起山筏村人以武舉考取兵部差官回籍練團爲人豪健有智謀流賊竄懷遠鎮三元率數千人馳縣南界街子場張幟樹間扼味江河禦之

灌縣志

卷十一 人士傳上 二十八

俄賊至火起呼聲震山谷三元令衆靜待自當御龍橋枕石臥若無事然賊莫測遂退黎明分道並進生擒數十人一賊目泗水走三元提其髮縛之賊懼遂竄元通場越二日復合衆進擊其姪文藻善戰與同里孫玉藻俱從玉藻字桂林歲貢生垂綸子也短小精悍弱冠爲諸生練丁於家夜輒起舞刀劍至是偕往直逼大通橋賊見三元旗幟皆驚遁俄而謀知孤軍四出攻之遂潰於鴛鴦竹賊圍數重衝擊半里不能出與文藻玉藻馬喜均被重傷死

事聞贈武顯將軍給雲騎尉世職

彭洵

萬景春號曉村溫雅能文援例入國學與三元等謀練團慷慨捐金以破賊爲志子世亨素壯勇聞警父子與三元率衆戰於鴛鴦竹景春首擊賊賊刺之世亨見父創負之走左手反抱父右手持刀格鬥當其鋒輒斃有悍賊伺隙以矛洞貫之並遇害鄉人高其義而悲其死

彭洵

徐守先少任俠善技擊與同里嚴思賢善滇寇竄蜀鄉人舉爲團練首練丁布金寺忌者以蜚語中傷之委紳高溥知無他獎其衆而慰勞之二人誓以死報賊踞崇慶懷遠鎮守先與思賢謀守險賊竄元通塲率練丁數百禦之永定橋斬戮甚衆賊却者三分股繞上游涉江襲其後腹背夾攻衆遂潰守先中數十創力戰死思賢舞刀突陣迎刃輒斃賊併力執之逆首愛其勇釋縛勸降則罵曰吾與守先誓不盡殺汝輩豈從作賊耶推案起羹酒淋漓溼賊衣賊怒以鉤貫其尻而倒懸之罵不絕口被支解丁壯六十餘人同遇難

彭洵灌記

徐開龍性豪爽由行伍得六品軍功高溥奉委練團開龍預焉賊擾太平塲鄉人避入青城山開龍扼牌坊岡禦賊相持半日士衆饑疲賊以隊由山溪暗出其後復以悍賊冒刃上撲衆遂潰開龍獨力奮戰殺數賊賊益衆怒罵

灌縣志

卷十一 人士傳上 二十九

不絕格鬥而死

彭洵灌記

曾思義由懋功把總從征貴州保千總繼征廣東游保都司咸豐間轉戰湖南以衆寡不敵歿於陣給騎都尉世職

光緒灌縣志

廖榮陞以卒伍從湘軍轉戰兩湖蘇皖間積功游保參將加副將銜後攻涇賊壘陣亡賜卹如例

光緒灌縣志

陳大烈以知縣需次直隸剿賊臨洛關有功保知州銜署雞澤永年有政聲咸豐十一年權清河縣捻匪竄境屢挫之終以援絕匪囊沙溥城力戰死其叔父教諭政魁仲弟監生大鏞皆從擊賊陣亡政魁贈國子監助教大鏞贈七品銜與大烈俱給雲騎尉世職

光緒灌縣志

董承恩以知縣分發陝西咸豐十一年奉檄領兵守漢中禦寇戰歿給雲騎尉世職同時任定發以軍功投效攻克回匪保守備後陣亡綏來縣給雲騎

尉世職

光緒灌縣志

吳天階練鄉團與兄國珍禦藍賊於青龍塲手刃數賊大股突至陷重圍力竭俱被害馬鳴謙帶團截賊亦被圍困與其子姪團丁數十人皆死之

光緒灌縣志

楊德祿儘先把總戰死綿州魏城驛子蔭雲騎尉世職

灌縣志

傅鳴謙邑諸生與弟懷清堵賊力戰陣亡懷松遣子鵬飛發礮轟賊大隊忽至父子陷重圍死同時諸生潘清源受重創投水死吏員文貴章陣亡軍功

吳應良吳自清皆戰死大石橋鳴謙子鵬嘯蔭雲騎尉世職

光緒灌縣志

傅秉忠字存誠積學工畫性質樸藍寇入境家居不去罵賊死年七十有八其衣中有詩云一生正氣歸泉壤半點丹心答盛時宿儒熊萬壽年八十賊擾至家罵之亦被害時監生楊登甲率團堵禦陣亡

光緒灌縣志

楊宗藩字濟川獠澤關人警敏多智同治間從戎貴州洊保州判署龍里縣

灌縣志

卷十一 人士傳上 三十三

以平苗功晉知州旋署永寧州州固瘠區亂後子遺無幾既履任招集流亡民頗德之俄譚逆圍城竭力固守城破巷戰死長子永泰殉焉賊去士民得其屍具棺斂之初宗藩奉檄欲盡室行繼室夏氏以孕故留至是惟遺腹子與母免於難事聞贈道銜予雲騎尉世職

彭洵灌縣志

夏氏負孤子扶柩歸葬聞譚逆降復赴黔中偵刺之

光緒灌縣志

陝甘回亂邑人多從征者軍功王興外委馮澤金戰死靈州金積堡軍功黃仕達王炳廷戰死靖邊縣鎮靜堡千總余炳元軍功李桂林戰死北草地勇丁李得勝彭源戰死延安府軍功楊文煥戰死米脂縣勇丁王登貴戰死平涼府曹家麟戰死白水縣把總曹文喜戰死榆林府頭道河軍功李得魁戰死涇縣武生唐耀龍堵賊陣亡

光緒灌縣志

藍寇於咸豐間竄擾縣境鄉人執干戈以禦賊者多死於難劉氏四十五人

先友萬玉光榮德壽清元思乾朝慶志剛卿源順才經友東芳成相遠照星垣棠春思全先朋芳順紹炳鳳桂星富全友毓壽星鳳星同天榮星喜思義明慶昌明贊廷文喜成相春堂宗顯開周肇岐朝輔宗周思舉先振繼祖培基占賢

李氏四十三人 芝友萬品昭惠文星洪才芝貴象元志遠萬壽登雲自秀成仲發春思培文選志平宗惠萬春萬才萬富萬福開鮮朝芳廷琛含芬春輝文奎榮芬萬壽朝植世昌相士相元永昌世芳

士英明倫開基德鴻 **周氏四十一人** 國光新義吉斌吉華廷貴安朝文長文壽汝長廷邦經龍明照明朝萬映宗崇典相奎玉貴 選萬璧萬衡文仁紹炳思培國英家植汝光元洪國華文魁文玉文光

永清澤融開泰書元鴻恩有光長倪 **楊氏四十人** 國元鳳元蓬宜正榮正賢東友文全載清懷中登魁忠常鳳達孝大光懷仁元敏天才啓華人貴 貴文尚洪亮文富文泉宏章泰依正涵起榮萬金奉先玉同

萬全芝春芝杰正朝萬明洪寬開弟化鵬汝 **王氏四十一人** 履昌思全映富文經萬福萬興登志廷富紹炯芳士貴朝鼎廷棟登科興長大匠天和連 詳應春喜登福廷貴文星廷德文金建德正選

正科昌富登泰文全慶昌萬元萬隆昌鳳昌言昌學永壽才 **陳氏三十八人** 懷宗文星廷治嘉五文發文高達榮邦星明文發曰賢洪昌正太洪喜文明之佐開俸京 映詩子周洪孝安祐正新其龍

文仲金壽嘉謨廷珪國棟萬春大年萬友洪喜廷弼華壽世榮嘉 **張氏三十三人** 廷恩化龍成順文友映庚猷世杰文明文新列五芳釗天元世昌元英學柱天德玉伸弼 成龍啓順文貴子友翰福

星富來福朝清星貴其泰光頭啓賢萬選起順文福國華朝 **馬氏二十八人** 玉喜洪鑑國瑞萬通元鼎萬旭陸思舉應祿明理朝英廷棟培元映謨永華文芳全義戴元 其壽國登先庸治安國平廷曰

文玉萬光洪安道恆世春寅廷獻廷文田廷 **吳氏十九人** 年遠德照天高萬惠萬卿作春天惠永賢萬美廷發之玉朝綱文明玉貴洪健朝鼎永貞 棟天柱伯元伯賢玉琦國滔子英邦昌明泰洪基

高氏十七人 席珍步青永亨萬順金裕玉田遠明有才元 **何氏十五人** 廷陸正士遠貴國棟開泰子文貴超羣 黃氏十五人 文福正富壽聯佐才佐傑友廷開祥廷 梁氏十五人 宜泰文芳朝柱金華國啓賢陸貴 琮定邦天元天喜全發家植國恩明 柱天惠洪安洪玉全義

國治天成天和 **徐氏十三人** 東友萬榮有朋映選萬仲其珍其 **羅氏十三人** 萬春玉龍萬登文產登廷昌文奇懷玉 滿萬壽文明紹武金堂登洪廷龍 寮四維玉春世清三畏

文同先達 **田氏十二人** 玉林應福文發大碑大美萬清 **牟氏十一人** 天高才盛榮富光級學富學寬治平鳳鳴 文富玉琦子芳子春玉明萬魁 正春玉田紹奎先芳正龍

胡氏十人 光友德遠應文家瑞志國 **唐氏九人** 成美福元典聖萬喜太 **趙氏十人** 學壽士杰春和啓國宗國啓奎啓倫括國 平國聖萬宗玉田泰 廷琛廷華朝宗

顯文德崇 **車氏八人** 金玉任重有章如貴 **孫氏八人** 啓武芝發公智玉美 **童氏六人** 尙仁光祖廷祿旭壽 元福全發世貴友義 世春紹基良貴元德 子春正魁

映斗 **鄒氏七人** 朝綱明恩德茂仕 **朱氏七人** 洪官明旭喜龍有 **謝氏六人** 德富振榮廷桂 **傅氏** 福體中國士仕杰 才世斌世祿國清 隆昌攀雲攀棟

五人 映奎懷祿應 **舒氏五人** 宗堯文選天 **蕭氏五人** 思壽思友藻 **魏氏四人** 萬順正才高芝崇昭 元象明仲喜 發榮貴雲代 孺子永祥 蘇

氏五人 元英寅廷光 **蒲氏五人** 春陽洪先昌 **杜氏五人** 能達君智元 **方氏五人** 懷泗世德萬堯學海弼 明志遠應達 敏建功倫德 和照元玉相

程氏五人 廷玉文喜永 **熊氏四人** 伯賢宗禮 **彭氏四人** 子超福清 **羊氏四人** 懷安昌廷余魁正榜天德 廷貴正川 世恩恩義 朝品宗龍

氏四人 登龍慶剛 **鍾氏四人** 國童廷芳 **廖氏四人** 崇高德威 **黨氏四人** 占春朝英 **莫氏** 慶文 廷邦萬山 宗堯宗典 廷瑞士奇

四人 勝才永興 **雨氏四人** 列三萬春 **寇氏四人** 天元大士 **賈氏四人** 恩友仲賢 **宋氏三** 大昌如德 恩露恩培 昌明朝珍 恩元文玉

人 元林玉春 **董氏三人** 朝福朝 **戴氏三人** 清貴世 **涂氏三人** 廷友萬 **馮氏三人** 玉柱玉廷侯 品清良 清良奇 壽春明 富爾榮

灌縣志 卷十一 人士傳上 三十一

雷氏三人奉富應 尙氏三人忠啓鳳

貴元文

曾氏卞氏鄭氏鄧氏麻氏夏氏蔡氏淳氏

施氏尹氏侯氏郭氏各二人

曾萬朝興福卞仁山文元鄭廷見家才鄧元品萬福麻相品林長夏廷富開福蔡國仲思濤滔天泰文元施永國文元尹洪昌華侯國光國元

郭世春廷喜

濮氏艾氏湯氏康氏潘氏齊氏陶氏嚴氏祝氏胥氏錢氏龍氏鮮氏

江氏費氏葉氏任氏袁氏曹氏祁氏駱氏譚氏游氏蔣氏刁氏衛氏易氏各

一人

濮懷金艾廷才湯萬尚康萬卿潘占洪齊正榮陶清占嚴正匯祝芝壽皆相貴錢興泗龍寅貴鮮世順江百壽費思友葉俊瑤任文藻袁永林曹元陸祁元昭略明海譚光斗游向年蔣春刁志喜衛志龍易廷舉

光緒灌縣志

王志元善射有力清咸豐間選御前侍衛太平軍起統兵鎮寶雞大帥某命

退防別處兵方撤而敵據其險志元憤失計遂赴敵死

采新

張鳳冲歲貢生藍寇之變率團禦寇扼香積寺要隘賊蜂湧至爲所執奮罵

不屈而死賜雲騎尉世職或曰賊虜婦女藏經樓下張責之因遇害

采新

陳大鏞敬堂猶子也援例授清河知縣清咸豐間流賊破城力竭死之事聞

灌縣志

卷十一 人士傳上 三十二

贈雲騎尉世職

采新

楊三超清咸同間以外委從征江南積功保守備後以奮勇陣亡卹贈雲騎

尉世職子幼未及知遂湮沒

采新

楊璉宿儒也清咸豐間土匪朱文詔假聯封團爲名遂作亂恣燒民房至其

家璉以正言責之被害

采新

楊魁植素有膂力清咸豐庚申藍賊擾境魁植充鄉團旗首禦賊大石橋戰

歿其族弟曰冕植同戰死又有監生劉光照子成山堵賊陣亡

新采 右清八 百一十八人

陳鈞字號杏村畢業四川軍官學堂任陸軍排長民國四年川邊夷亂戰歿

於河口又注在田清末從戎巴塘民國初在鄉練團不避強暴卒戕於匪鄭

芝清於民國六年練團捕匪勇往直前遂見害

采新

萬斯年字岷江營長禎祥之父爲人正直辦團爲匪所忌民國七年被害知

事李肇琨詳請撫卹入祀昭忠祠

新采

王登舫號樂山性方正遇鄉隣有爭者輒爲排解民國初土匪蜂起登舫保衛地方甚力邑令盛一晉委充團正益勤緝捕遂爲宵小狙擊於順江場越二載始緝獲凶人正法焉

新采

王世權號衡中以訓蒙爲業民國十三年充三陽鎮團正頗任事旋舉爲縣議員略有建白十五年春偶自柳街歸突被狙擊蓋因公結怨於匪也

新采

王肇基土橋場人素爲鄉里所患苦民國十四年縣中籌辦見役隊肇基願自新爲桑梓盡力當事者未敢信姑命充協緝隊竟能不避嫌怨見匪即鋤地方稍靖後於三邑橋擊斃某氏昆弟與匪相仇十五年正月元日夜自忠聖菴歸匪於途間突擊之割其首去當事詳請撫卹以爲死公者勸云又有馬永鑫者任金馬鄉團正結怨於匪竟被害匪逸不獲

新采 右
民國七年

灌縣志

卷十一 人士傳上 三十三

贊曰死生亦大矣王皓與嘉之恥飲盜泉而視死如歸可不謂知命哉他如服官不偷生衛鄉不避難疾惡不苟免亦皆能得死所者前志載義烈多矣而僅存其名者數百人嗟彼國殤足以立懦今以姓彙次之庶幾永世不忘耳後有作者亦附著於篇

以上
義烈

張充字伯充江原人爲治中從事時刺史恃豪每見從事布席地坐已自安高牀上充入閣不肯進刺史寤乃更禮從事

華陽國志 右
後漢一人

常勗字修業江原人祖父原牂牁永昌太守父高廟令從父閔漢中廣漢太守勗少與閔子忌齊名安貧樂道志篤墳典治毛詩尙書涉洽羣籍多所通覽州命辟從事入爲光祿郎中主事尙又爲書左選郎郡請迎爲功曹時州將董軍政置從事職典刑獄復爲督軍治頌平當還察孝廉除郵令爲政簡而不煩魏鄧艾入蜀破諸葛瞻軍於緜竹威震西土諸縣長吏或望風降下

或委官奔走曷獨率吏民固守後主檄令乃詣艾故郟穀帛全完刺史袁邵
嘉勗志節辟爲主簿曷善儀容翔集動爲表觀言論壯烈州里重之然交友
惟賢不交下己者泛愛之恩猶不足云

華陽國志 右
季漢一人

常忌字茂通蜀謁者黃門侍郎喪親以致孝聞察孝廉爲郎使吳稱職歷參
軍什邡雒令大同後袁劭坐治城被徵忌詣洛陳訴遠國初附君臣始結不
宜改易州將又表修治城池居安思危邊將常職事皆中情晉文帝時爲相
國辟忌舍人武帝踐阼拜騎都尉除河內令州名爲難治忌挫折豪勢風教
大興縣有姦嫂殺兄者羣黨蔽匿前令莫得忌皆窮治入爲州都方議爲郡
守會卒忌爲人信道任數不從下人故爲貴勢所不善是以作詩著論先攻
已短臨喪與樂歡哀俱至爲士類所稱

晉書羅
憲傳

華陽
國志

秦始初羅憲入朝薦忌與杜軫

灌縣志

卷十一 人士傳上 三十四

常儼江原人官益州戶曹掾

張佳允常
氏士女志

永康元年詔徵刺史趙厥爲大長秋遷

耿滕爲益州刺史滕入城厥拒之滕軍敗自殺吏左雄負滕子寄依民宋寧

匿厥敗得免郡吏皆走惟陳恂面縛詣厥請滕喪儼與備棺斂葬之

通鑑

高玩字伯珍江原人少受學於太常杜瓊術藝微妙博聞強識清尚簡素少

與李密齊名官位相比大同後察孝廉除曲陽令單車之縣移檄縣綱紀不

使遣迎以明三才徵爲太史令送者亦不出界朝廷稱之方論大用會卒

華陽

國志 右
晉三人

劉謂導江人元符間上書入黨籍

彭洵蓋亦
灌記

獨攄其志者

何致永康軍青城人祖耆仲淳熙初爲知名士郡守陳纘薦致於尙書劉仲

洪洪重之率禮部侍郎李季宰工部侍郎劉師文以制科薦於朝有旨召試

會同薦有遭憂不起者致欲先試適鄧伯允欲奏奪謝子肅二子出身除右

司諫易元章亦恨致因及之伯允無以爲辭遂摘致中論中伊尹負堯舜之道終爲天下開凌犯之端語罷歸光緒灌縣志按致字子一宋嘉定間嘗摩岫嶠禹

碑刻於岳麓書院升菴楊氏甚稱之彭洵灌記

唐邁字當時青城人其事實名位不可考然山谷嘗爲作青城唐當時字說有士生當時身在天衢志在田里其尾不濡之語殆亦君子人歟見山谷全書

惠連居咸平寺陸游跋臥龍行紀云著作關公出使陝中風采峻甚仕者人震懾莫敢仰視某以孤生起罪籍萬里佐州淺閣滯拙自期汰去而關公獨遇厚之舉酒賦詩談臺閣舊事忘其位之重也公免歸之明年某以事至臥龍山咸平寺長老惠連言公往有行記今將刻之石屬某書其末某曰方關公之門可炙手時此書不出今公歸臥青城山中賓客解散形勢一變而連方刻其書爲不朽計嗟夫此足以愧士大夫矣游所稱許如此其人蓋有

灌縣志

卷十一 人士傳上 三十五

足多者按關耆孫青城人

彭洵灌記名勝記右宋四人

楊純俊字逸仙號海門歲貢生寄籍理番爲拔貢國柱猶子性和而介敦尙詩禮日以書畫篆鐫爲事環堵蕭然晏如也居鄰縣署足不一至宰門與人談不及世事士論高之彭洵灌記

熊廷兆武生素重行誼喜文墨遇人忿爭輒委婉解釋與人言和藹誠恆以修德行善相勸勉人多化之彭洵灌記

張道源字星樓歲貢生幼貧力學與徐述堂諸人友善虛心受益得以玉成頻歲課徒誨人不倦爲人謹厚儉樸鄉黨欽之新采

王崧南字六峯性樸誠高潔不問家人生產事暮年猶肄業錦江書院惜數奇以貢生終湘南字子山爲人樸直勤儉薄己厚人設帳課徒不較脩脯人恆敬之昌南字禹湘諸生博學能文而秉性剛正不肯苟同流俗最重善行

維持風化敬宗收族倡修家譜其顯著者也有劉玉鼎郝秉忠姚先悟者皆澧口鄉人盡力桑梓方正不阿里人祀於社焉采新

丁國仲字少卿賦性聰敏幼年補縣學生品行端潔政變後杜門不出寄情詩酒以終又有雷鳴盛者字菊蹊邑諸生嗜學而貧父命營生計乃晝耕夜讀與曾謙等結社購書疑義與析短褐菜羹自如也采新

夏培燦字靄堂邑增貢生爲人言行不苟力田好學從不與人忿爭張維翰字曉颿貧而自愛弱冠卽授徒自給以廩生終無子鄉人立碑彰之其行誼

與夏類

采新

張宿字月鹿崇慶縣人課徒於灌因家焉爲人恬退不嗜名利屢空宴如而好學工詩善談立理郟縣名宿高曉字亟稱之子會昌亦質樸以商起家民

國時復啓

采新

灌縣志

卷十一 人士傳上 三十六

宋樹堯諸生品端學粹連不得志於有司退而講學兼肆耕稼蓋篤行人也宋天琳性誠樸力耕爲人謙謹尤篤於同氣年二十餘鰥居不再娶見稱於家庭鄉黨間若行所無事者宋七孚性介而貧甚日拾牛馬糞以自活不受人憐有喚煦者輒謝之采新

尹聘三字蘭亭邑廩生爲人澹於榮利以授徒力田自給家寢裕清光緒間積資例應貢託言遊學竟不赴試云采新

羅錦繡字耀廷爲人謹厚不干外事能文章豪邁而沈著試屢不利以一衿終羅玉藻字燮臣國學生兩赴秋闈不售遂隱於鄉爲人富而好禮治家有法處世無爭亦端人也采新

余漢章字偉堂恩貢生爲人躡直邑令皆重之委辦合順局倉廩積穀甚豐不稍苟且教授生徒勤勞弗倦遊其門者多成就焉采新

蕭仁珠原籍江西流寓漩口以炭鑛起家性慷慨好施解紛排難爲物望所歸年踰七十無疾而終

采新

姚襄字贊臣諸生爲人容止端詳不苟言笑不妄取與常以書畫自娛姚貞翰字紹唐積學不售遂絕意進取以課徒自給不移館者三十餘年多所成就性剛直爲人謀必盡瘁雖有餽贈不受也

采新

楊三彬字詠樓生平耿介疾惡如仇年三十餘而妻歿不再娶見世有平事輒爲歎息又有楊太平者三陽鎮人性質實服務地方人罕冤屈鄉鄰感之

采新

姚清蘭漩口鄉人以木商致富性爽直好義不吝於財里中糾紛恆賴以解子孫熾昌能繼其業

采新

蕭光祖字作霖諸生性恬退在崇寧授徒二十餘年文名頗著實端士也其

灌縣志

卷十一 人士傳上 三十七

族兄昌義字集生爲人勤謹耕稼亦躬親之若忘其在庠者居家教授數十年不預公事鄉人敬焉

采新

張翥字鳳樓諸生貧而介不妄取與性尤和易以教書終張光漢字烈棠亦諸生崇寧學籍爲人不預外務耕讀自安友于兄弟人無間言

采新

周昭明字繹之弟兆熊字紹伯皆廩生頻年肄業錦江書院不與聞外事又楊大文者亦廩生性贛直不苟同流俗同里有廩生羅恕周洛池諸生張丕承則預地方公務然頗能任事於行輩較早云

采新

徐增銳字致先賦性謙讓與世無爭或有侮之者人爲不平增銳但一笑置之晚年好種菊工畫能詩著有耕餘小草又有楊贊臣者爲人謹愿肄讀且耕每挾書至田間朗誦言笑不苟人目爲楊恭敬不幸爲賊所害聞者悲之

采新

劉炳琦字石渠幼承家學爲文純粹以歲貢教授於鄉及門多騰達者晚好吟詠著有詩集生平自奉簡約以勤儉致小康子孫能述其志

采新

劉國瑞字煥堂性誠慤不喜浮華居家講學後進多被裁成嘗主青城書院以歲貢終又劉善堂者亦貢明經爲人恂樸類國瑞

采新

孫能治字國安於兄弟爲季子父雨春肄耕讀能治篤於內行尤襄助地方義舉不懈當藍寇之亂舉家避入山能治數遺物存問父歿獨力窶窶且廬於墓晚年猶草履走田間考察諸子勤惰

采新

周鴻濤字卓菴諸生賦性耿介而樸素舉家不用外國貨而教學所得則用以建祠其敬宗收族如此鴻漸字峨生邑廩生也情亦平易不與人爭接之如坐春風霽然可悅

采新

吳丕新爲人淳樸嘗挈孫應童子試年七十始入邑庠光緒癸卯科恩舉以

灌縣志

卷十一 人士傳上 三十八

教書終其身

采新

蕭藩字瑩然少有文名年六十始補弟子員性剛直一公方益事爲所創者居多曾上斗爲人亦贛直鄉人是非每取決焉性尤慷慨凡有善舉無不資

助者

采新

薛鳳翔字香廷爲人質直好義清時任區長能飭團務靖地方繼又奉文興學於鄉中增學校數所皆得其力

采新

鄭祐字懋誠性醇謹不干外務以善書名自好之士也其友郭肇書者字樸菴亦諸生家貧授徒自給其書與鄭齊名而長厚亦相類

采新

歐陽暄字東生邑諸生也醇謹老成言不妄發以善畫山水名意極平遠子西屏亦有父風惜蚤逝

采新

陳鳳松字茂廷幼嗜讀書屢困名場因援例入國學爲人公直鄉有爭端多

取質焉性尤好善安瀾太平永康福星諸橋皆身董其事以底於成采新

楊存志字桂芳性剛毅清咸豐間藍寇擾蜀督團禦賊躬冒矢石獎六品軍

功生平濟困扶危勇於赴義年七十無疾而終采新

王子上素積學留心時務頗思有以自見顧數奇清末移居成都仗方技糊

口性耿介不計值人誚之以為狂而子上不顧歌聲若出金石竟以貧死采新

謝鴻儒字天錫少聰穎家貧不遇以教讀終性嗜酒每醉歸母責之輒順受

且嬉戲母轉怒為笑乃止子曰甫端邑諸生旋長縣立高小學校布署井然

頗有聲譽采新

劉先儒字雅亭慷慨好善一鄉有義舉求之無不應者凶年平糶每獨任之

不求助於人采新

楊茂字雨村邑增貢生諸生乃文父也幼貧以勤儉致豐裕然於親屬每分

灌縣志

卷十一 人士傳上 三十九

潤之平日盡心義舉易箠時猶囑諸子曰我有三事未了歿後勿營齋奠即

將此款捐置積穀五十石以備凶年再以錢百緡修葺中興場街道銀五百

圓補助福星橋其樂善如此采新

吳國珍字瑞軒諸生藍寇之亂以練團保縣丞川督吳棠委充統領率兵彈

壓各縣議敘知縣告歸重新文廟及太平鎮龍橋在事有力歲饑勸糶多所

全活壽九十有五而終采新

彭順古字益齋廩貢生為人篤行寡言專以授徒為業家有薄產盡賣以給

弟晚年側室始生子家無餘積偃蹇以終門人踴葬為立碑以彰行誼焉采新

練光昭字九丹諸生品學端粹恂恂如不能言者以課徒終嘗館於紀氏紀

有子曰綱亦諸生為人和易鄉鄰爭訟往質之每得其言而解采新

周芝會邑西石橋溝人松潘武庠生也少嫻弓馬後乃折節讀書不求聞達

以教學終生平謹於言行足爲一鄉法

新采

姚燹陽字寶珊爲人沈毅有俠性善貨殖以木商起家常徒步往來山中與傭役共甘苦遠近皆稱姚督辦焉然於義舉輒揮千金不吝流口舊有雲峯書院拓其址設廣益學校費萬餘金歲用亦千餘金始猶求助將伯繼則獨力任之同志軍起王氏遭禍控及燹陽然實非其意久之得息年六十餘卒有子數人業士與商頗能繼述

新采

高龍門字級三清恩貢生世肄耕讀誨人不倦其教諸子亦各有緒業爲人質樸而蘊在鄉黨間頗能任事遇有蕩檢踰閑者每面斥之未嘗含默也卒年八十有六龍門祖父曰仁陽父曰加春皆質厚有長者風

新采

楊樹森清光緒間以武進士歷任溫江松潘汎遷順慶府守備時教案迭起大吏欲媚外飭屬嚴辦多緝教堂鄰近居民以爲賠償地樹森察其枉良不

灌縣志

卷十一 人士傳上 四十

忍以是去職民爭送之

新采

蔡培基字厚諳邑廩生厥考經商頗有蓄積妣氏督之嚴從中表張觀陽學張能文而教嚴深得其益培基好勝朋輩多諒之清末以法官入仕辛亥國變幾及於禍而面斥人短仍不少改然訖無枉也培基善使酒竟以不勝杯杓而斃聞者惜之性素俠常急人所急於先輩後生之困厄者必力爲拯濟非他人所及

新采右
清六十八人

仰光漢字雲帆爲人誠樸富而不驕應童試屢困清宣統元年舉孝廉方正既遭國變絕口不談時事卒年六十有八其從兄力棠亦恂謹先漢卒漢子天德侍疾月餘衣不解帶以是遭疾踰年歿

新采

贊曰中行難得而狂狷亦足稱焉張充不爲勢屈豪吏以寤二常高玩當鼎革之交雖未能全節遠邁跡其行事與流俗殊矣至若見義勇爲臨利不惑

從容物外與世無爭有其一端皆足訓世茲據前志所述綴以所聞本蔚宗永叔之意彙獻獨行將不沒人善也

以上獨行

常璩字道將江原人也李勢微弱桓溫志在立功於蜀永和二年率衆西伐乘勝直進勢將咎堅鄧嵩勸之降溫停蜀三旬舉善旌賢僞中書監王瑜散騎常侍常璩等皆蜀之良並以爲參軍百姓感悅璩篤學工文著述甚富有華陽國志十二卷漢史書十卷蜀李書九卷

晉書桓溫傳右晉一人

張君相岷山道士也精老子嘗集河上公嚴遵王弼何晏郭象鍾會孫登羊秋羅什盧裕劉仁會顧歡陶隱居松雲仙人裴處思杜弼集解張憑張嗣臧元靜小孟大孟竇弼宋文明諸樛劉進喜蔡子晃成元英車惠弼等註君相稱三十家而列其名止二十九家蓋君相自以爲一家合并數之耳君相不知何時人稱成元英爲皇朝道士則天寶後也以絕學無憂一句附絕聖棄

灌縣志

卷十一 人士傳上 四十一

智未以唯之與呵別爲一章與諸本不同

文獻通考右唐一人

李昊字穹佐世居導江

光緒灌縣志

唐宰相紳之裔也廣政中爲蜀相宋太祖取蜀

拜尙書著有前蜀書四十卷後蜀先主孟知祥實錄三十卷後主昶實錄八

十卷

宋史藝文志

李堯夫梓潼人吟詠尙譏刺謁蜀相李昊昊戲曰何名之背時耶堯夫厲色曰甘作堯時夫不樂爲蜀相因是爲昊所擯知蜀主國柄墮素吟苦熱詩云炎暑鬱蒸無避處清涼消息幾時來題盆池詩云向外絕無地其中別有天又贈滕郎中云方外共推爲道友關中獨自占詩家後遊青城山不知所終

有梓潼集二十卷

五代詩話宋史藝文志右五代二人

何掄宣和中上舍及第後中詞學兼茂才科

彭洵灌記

謝發青城人賓貢爲舉首鄉里從者百餘人以其學決科者四十人政和中

調神泉尉五子固田因圓因迭魁太學稱西州五鳳登崇寧進士第彭洵灌記

惟鳳青城人號持正蜀九僧之一也有風雅拾翠圖王隨序云持正大師一

章一聯皆出乎清新發乎濬逸賦象可以持圖畫騰輝可以潤金石宋詩紀事歐

陽修嘗惜其集無傳歐公詩話司馬光又云見九僧詩集於進士閱交如舍直昭

文館陳充集而序之者也按陳起宗集宋高僧詩選九僧外篇什尙多惟鳳

詩存二十四首補遺內復存斷句數聯可見當時著述之多人不及察耳見羣

賢小又九僧蜀有其三劍南希畫峨眉懷古與鳳也彭洵灌記

真德成都詩僧咸平中來居灌東慈恩寺與祠部代淵郝永錫爲詩友彭洵灌記

黎靖德導江人初朱熹與門人問答之語各編爲池錄饒錄建錄蜀本徽本

咸淳十年靖德乃哀而次之刪重書一百五十條分爲二十六門頗清整易

觀昔人稱爲有功朱子彭洵灌記

灌縣志

卷十一 人士傳上 四十二

王宋傑爲進士表民伯父魏了翁稱其兩登貢籍子俊達之表民異母兄也

了翁稱其充賦於永康維州各以詞賦居第一見鶴山文集

何居口青城人爲武連縣令武連有郭璞讖記云縣路翠武功貴縣路青武

功榮居口宰武連刊石於縣治門內謂爲種松碑碑字爲東坡書今存武連

覺苑寺王象之碑目右宋十三人

周崇義先世山西聞喜人以千戶所軍籍遂家於灌中正德戊辰進士官至

雲南按察司副使爲新都楊慎所推重尤善書有歐虞筆意今新都彌牟鎮

武侯祠有所書碑存彭洵灌記

朱凌雲號霽軒歲貢生少孤母撫之年十三復失恃性好學弱冠以詩文名

講學里閩生徒濟濟裁成課藝具有義法邑中古蹟尤多闡揚所著有桂亭

集以西充縣訓導終彭洵灌記

宋煊號蔚堂清嘉慶丙子舉人歷官豐都忠州金堂江北教職纂修江北廳志積學能文川東知名之士多出其門下

新采

賀上卿金村人歲貢生少能文書法以晉人爲宗大草尤縱橫變化灑翰如飛具有法度流俗不識也果親王西巡一見亟稱之今得寸縑尺幅者無不

寶貴焉

彭洵灌記

曾懷玉號輝山性曠而才逸學使陳鍾溪頗賞之嘉慶辛酉登拔萃科北遊京師嘗爲七夕賦徧傳都下春試落第人多惜焉鄉闈亦屢蹶兩主岷江書

院以內江廣文終有遺藁若干卷

彭洵灌記

宋樹森字水村諸生也幼承家訓讀書勤敏爲文博洽晚益肆力考據於天時祥異人事得失多所論述邑乘頗采焉生平謹言動慎取與人尤重之

光緒

灌縣志

同時有陸步達夏碧橋者亦以能文著而藁不傳

新采

灌縣志

卷十一 人士傳上 四十三

周盛典號雅堂成童補弟子員受知湘南黃恕皆學使舉丁酉拔萃科廷試及京兆同日元魁報捷相國周文勤亟賞之浮沈銓曹十餘載丙子始成進士廷試復第一時有小三元之目爲人狀貌溫雅性情豁達凡海內名流疆場宿將多與贈答往來一時識與不識皆知有周翰林乃未竟其用卒衆論

惜之

彭洵灌記

陳桂林號朗軒附貢生工詩文爲吳蓮芬觀察所賞招入署親授之學既冠舉茂才潦倒名場雅有投筆之志徧究韜鈴地理諸書所著輿圖識者許之性敏悟曠達人頗謂狂晚以病廢自營生壙墓誌不諱言死將卒日置酒高會縱談歡飲賦詩留別客去始從容處分家事畢乃就枕而歿殆亦明於來去者耶所著有釋來軒詩集

彭洵灌記

子彬爲人慷慨練團治盜有功於鄉

陳道謙諸生崇義鄉人爲學刻苦精書法兼工真草篆隸筆力森勁入咸寶

之其從弟曰古愚亦諸生爲人誠篤頗能文繼起者有寶桂芳聯芳皆諸生
聯芳能詩然藁佚鮮有存者采新

杜懋脩崇義鄉人嗜酒能詩工書畫爲時流所推重後此有甯海門者書法
雅似東坡喜吟詠皆以布衣終采新

何繩武字憲章諸生行誼甚飭曾祖志道合江縣訓導爲人喜解紛善處人
骨肉間同里唐氏深德之祖家瑞父其敏皆歲貢生有文名繩武幼承家訓
邃於學著有憲章詩存清婉可誦惜爲友人借閱竟失之其從兄弟多列膠
庠而樹森尤傑出著有列國宮詞百首樹蕃勤敏鈔書至數篋皆諸生濟川
子也采新

梅春蒲字羹唐歲貢生積學能文邑中名宿多出其門下夙負時譽遠來者
爭造訪焉惜遺藁散佚鮮有存者又李芳字春珊以歲貢官西陽州學正工

灌縣志

卷十一 人士傳上 四十四

尺牘善吟詠著有春珊詩草采新

董玉書字香芹天資穎異先輩皆以翰苑相期而卒以歲貢終非其志也所
著詩文已成帙而藁復散失其膾炙人口者零章斷句而已頡頏於董者有
楊作軻詩思超逸藁亦僅存采新

陳大慶字福臣諸生性嗜學居恆手不釋卷著有福臣詩鈔養正堂雜錄灌
志補遺青城續記談鬼錄又選集名勝楹聯改繪五洲輿圖旁及堪輿醫術
嘗恣遊峨眉九峯諸山以極其趣云其從兄大科多材藝善雕篆工詩能書
以國學生應試北闈不售終白河縣丞采新

劉璞字玉廷性敦敏而好學工書善畫精篆刻爲文古茂淵懿以國學生赴
秋闈五薦不售牛樹梅按察使每遊青城輒至其家講學師弟甚相得晚年
蒔花種竹優游林泉於鄰族有急恆周恤之年八十終著有如對月軒詩草

其子運珍亦能詩又有劉嗣勰者附貢生以八旗教習議敘訓導著膽石齋吟草一卷有劉清彥者積學工詩遺藁數卷

采新

龔朝陽字瑞廷麻溪場人也善清談工詩尤長於集句識者皆欣賞焉惜數奇偃蹇以終稍後有羅續綸者字敬瑋居青城鳳凰山詩思超曠頗有奇氣以貧困卒友人爲立碑以誌

采新

楊夢濤邑諸生素有才名著作頗富惜藁佚其感懷詩見文徵易履謙廩生博學好吟詠其奎光塔詩尤著云

采新

焦玉堂字寶書舉人世居金馬鄉崇寧學籍也負盛名及門多騰達者從弟玉田字種書亦嫻詞章有文譽

采新

鍾培蘭號馨圃增貢生課徒數十年暇則詠朱柏廬治家格言積詩一卷用以風世蓋寓懲勸之意云又田廷棟字松雲諸生積學工詩著有芸香閣詩

灌縣志

卷十一

人士傳上

四十五

草

采新

董虞書號南薰湖北候補知縣遊歷數省凡有聞見輒記之積久成軸名曰大陸蹄涔類多可驚可喜者又楊鳳儀字南皋性敏能文藁筆從戎著有南皋筆記惟鼎革之交草菅人命竟得癩疾以卒識者非之

采新

羅輯瑞字序三增生積學能文有聲庠序屢薦不售而從遊則多入殼者兄緝熙有文名晚乃補弟子員從弟春恩亦增生性曠達能詩著有綠雨山房稿其餘諸昆弟皆肄讀而焯南較著入邑庠

采新

官書銘字典于邑諸生好學鈔書不輟著有女學芻言其族兄子曰秉融習醫能詩尤工書法筆勢迺父云又有李憲之者頗能文其弟彥之善吟詠以白沙利涉橋詩最著

馬繼華字樸之邑廩生於兄弟爲伯氏仲弟實之經商述父業而繼華以學

顯爲人強毅博極羣書善詞章古文所交多知名士清末舉孝廉方正公車北上感喟時事賦詩頗多錄之爲片羽集生平邃於經術嫻習禮義有志撰著政變後鬱鬱以終其他文藁散失亦鮮存者

采新

賈思徽字克卿別號不山山人頗負才華邑中名勝多有題跋性弛拓然不忘本業師李天培卒媼尙存思徽感舊德贈以棺木價值百金云

采新

何述先字典午諸生能詩工書善尺牘曾任鹽場知事子仲華亦有才歿於軍次述先慟之鬱鬱以終稍後有曾先開字朗軒畢業四川大學文學院爲人沈靜好學深思實後起之秀不幸嘔血死年僅二十有四當病困時猶閱漢書不舍云

采新

李白芳號香蕙崇寧縣人館於金馬鄉遂家焉性慧能屬文工詩畫爲人恂謹所至爭延爲弟子師已而習醫技頗精暇則吟詠以自適著有蔭香閣詩

灌縣志

卷十一 人士傳上 四十六

草年六十餘卒

采新

蒲春華字秋實諸生能爲駢文詩亦溫麗所作白秋海棠及秋柳詩人爭傳誦爲人頗負才幹任職縣會於疑難事略能參預以決

采新

吳鍾嶽字魯瞻幼喪母而貧性嗜學晝夜攻苦不稍懈祖珍愛之弱冠以縣試第一補諸生爲人恂謹而文思邃曲能上達清末變法乃肄科學充教師顧運蹇訖以感憤失常度旋卒無嗣其婦爲之守焉後此則李延白亦好學貧病蚤逝著有墨居賦以自況又有張開慧者五歲失母隨父肄業館中旋入縣立學校能屬文恆冠其曹所撰水利記語多心得不幸短命以死

采新

師表字仲華賦性聰穎好文學過勞至疾年二十卒著有勉齋詩集同時有廖鐵生者幼慧而工於詞又蒲陽汪氏子肄業成都府中學校績最優皆以

貧病殤未遂所志

新采 右 清五十五人

贊曰文以載道其次則隸事達情常李張黎諸人所有撰述既關於一州之
文獻六籍之緒餘偉矣何謝以下亦皆英才蔚跂迴邁時流殆江山靈秀所
鍾文采風流今尙存也

以上文學

周萬齡字亨極曾祖宏廸良吏也仕歿於灌子孫遂家焉亨極少有膽略當
崇禎間四方多故毅然有捍衛鄉閭之志獻賊入境則散財結士率衆數百
禦之承天寺一帶轉鬪數里屢有斬獲俄賊大至勢莫支遂潰亨極知不可
爲挈弟萬鍾潛隱川南山中清既定鼎復出而籍於灌焉

彭洵灌記
右明一人

雷俸奇崇義場人以行伍從征湖南北破旗鼓塞進剿林之華王三槐徐天
德等與有力焉後征瞻對及張格爾峨邊皆以功獲保曆署廣元汎成都專
城千總夔州右營守備升授左營都司致仕歸

光緒灌
縣志

費連性勇鷲乾隆間金川酋叛速效力軍營戰甚力身被數創以功保守備

灌縣志

卷十一 人士傳上 四十七

補忠州營領哨中軍駐防豐都卒於官

光緒灌
縣志

羅承勛以雲騎世職從戎兩湖兩江積功晉副將加提督銜賞固勇巴圖魯
率部防守潼關及寧條梁黃土寨諸處卒於軍賜卹如例歸葬邑北冉家山

光緒灌
縣志

張九林性誠樸洪楊之亂應募從軍轉戰桂鄂蘇皖間衝冒矢石身先士卒
李鴻章嘉其勇敢令以一旅隨征所向有功積保至記名提督檄防天津大
沽海口開屯鹵地千餘畝尤著勞績卒於軍

彭洵
灌記

周澤溥以武舉從征陝甘積功至副將銜回川授酉陽遊擊溥雖武人而工
詩善書在酉時曾課農桑結詩社與諸文士相酬答去官日彙稿付梓名酉
溪餘詠後補漳臘參將清光緒十五年卸任卒

新
采

周兆熊以武進士授酉陽守備旋以勤能補馬邊千總實缺夷民相安將及

十載調署嘉定千總數月夷患復作仍檄回原任寧貼如故以春秋高母氏猶在乞終養歸卒年七十有九

新采

羅世英以辦團出力州督賂秉璋給與六品軍功咸豐庚申秋茂州募勇馬兵劉芳遠知英有膽略保舉入伍羌人叛圍城數日知州束手英進謀夜率勇踰城力戰賊多死氣奪尙未及錄功而英以積勞卒當事惜之

新采

姚安邦字平叔由行伍歷官千總游擊從征貴州著有勞績退歸林下能文工左書自顏其室曰淡泊明志晚年精神矍鑠晨起必挽弓數十次云

新采

張國霖字沛亭國學生樂善好施嘗與李輝廷創建胥家場倉頡廟咸豐庚申藍寇擾川率鄉團防堵地方以靖

新采右清九人

贊曰吾灌之以武職仕者多矣不具述述其有戰績者殉難諸人既以身許國其幸而不死者亦皆有死志焉嗟夫是乃干城之選以視勇私鬪而稔內

灌縣志

卷十一 人七傳上 四十八

亂者何如哉

以上武功

灌縣志附載

勘誤表

卷數 頁數 行數 譌舛

卷十選舉表 第五頁 第九行正文 炳誤作丙

同 第二十一頁 第四行正文 科武二字誤倒

同 同 第六行正文 科字下脫一武字北

字下脫一口字

同 同 第七行正文 科字下脫一武字

同 第二十二頁 第六行正文 科誤作料

同 第二十七頁 第十二行夾注 有誤作石

同 第二十八頁 第十行夾注 脫一傳字

灌縣志附載

勘誤表

一

同 同 第十四行夾注 以誤作將

同 第三十一頁 第十一行夾注 噶字上脫一丹字

同 第三十二頁 第二十一行正文 大字下脫一邑字

卷十一人士傳上 第二頁 第十一行夾注 燕誤作燕

同 第三頁 第二十行第一字 代應作戴

同 第五頁 第三行夾注 一統二字誤倒

同 同 第十八行正文 符卽二字誤倒

同 第七頁 第十五行 盈字應在案字上

同 第八頁 第一行夾注 新采二字誤倒

同 第十六頁 第二行正文 書邑二字誤倒

同 同 第三行正文 尊字下脫一經字

同 第十九頁 第七行正文

多一女字

同 同 第十行第二十三字

暢誤作浩

同 第二十一頁 第三行第二十四字

驚誤作警

同 第二十二頁 第一行第二十五字

及誤作亦

同 同 第八行第十字

任誤作之

同 第二十九頁 第六行第十二字

必誤作不

同 第三十三頁 第二十行正文

尙字應在書字上

同 第三十四頁 第十二行夾注

允宜作胤

同 第三十六頁 第十六行第二十四字

寢誤作寢

同 第四十頁 第十七行夾注

應移在第二十行

同 第四十一頁 第二行第六字

敘誤作獻

灌縣志附載

勘誤表

二

同 第四十三頁 第二十一行第八字

未誤作來

同 第四十六頁 第二行第二十七字

儀誤作義

